

卷十九廿五

帝王書

三王至明

佩文齋書畫譜

C. T. LOO & CO.
41 EAST 57th STREET
NEW YORK, N. Y.

NO. 513

HGT.

LENG.

NK
3634
.A2
Q243
1920
v.7

佩文齋書畫譜目錄

第十九卷

歷代帝王書上

后妃諸王附

三皇

庖犧氏

神農氏

五帝

軒轅氏

金天氏

高陽氏

高辛氏

帝堯

夏

禹

周

文王

武王

周公

穆王

漢

高祖

武帝

元帝

許后

後漢

光武

章帝

安帝

靈帝

竇后

陰后

鄧后

梁后

王美人

北海王睦

樂成王黨

清河王姬

魏

武帝

文帝

高貴鄉公

甄后

陳思王植

吳

大帝

景帝

歸命侯

趙夫人

晉

宣帝

景帝

文帝

武帝

元帝

明帝

成帝

康帝

哀帝

簡文帝

孝武帝

楊后

王后

齊王攸

武陵王晞

會稽王道子

漢

劉聰

趙

劉曜

宋

武帝

文帝

孝武帝

明帝

南平王鑠

海陵王休茂

齊

高帝

武帝

廢帝

臨川王暎

武陵王暕

始興王鑑

蕭鈞

江夏王鋒

竟陵王子良

梁

武帝

簡文帝

元帝

郗后

昭明太子

邵陵王綸

蕭堅

蕭確

陳

武帝

文帝

後主

章后

沈后

始興王伯茂

廬陵王伯仁

永陽王伯智

桂陽王伯謀

新蔡王叔齊

長沙王叔懷

魏

太武皇帝

文成馮皇后

順思王

隋

煬帝

唐

高祖

太宗

高宗

中宗

睿宗

玄宗

肅宗

代宗

德宗

順宗

憲宗

穆宗

文宗

宣宗

昭宗

實后

則天武后

上官昭容

楚王智雲

漢王元昌

韓王元嘉

魯王靈夔

魏王泰

曹王明

江都王緒

范陽王諶

嗣江王禕

岐王範

太子瑛

永王璘

壽王清

臨川公主

晉陽公主

梁

太祖

末帝

後唐

太祖

明宗

魏國夫人陳氏

周

世宗

吳

吳王楊涓

南唐

元宗

後主

先主種氏

後主昭惠后周氏 保儀黃氏

吉王從謙

後蜀

太子玄喆

南漢

劉龔

吳越

武肅王錢鏐

忠懿王俶

東漢

劉承鈞

第二十卷

歷代帝王書下 后妃諸王附

宋

太祖

太宗

真宗

仁宗

英宗

神宗

哲宗

徽宗

欽宗

高宗

孝宗

光宗

寧宗

理宗

度宗

曹皇后

向皇后

劉貴妃

吳皇后

劉婉儀

楊皇后

冀王惟吉

越王元傑

楚王元偁

周王元儼

信安王允寧

吳王顥

益王顥

秀王子偁

景獻太子詢

臨川郡王迺裕

衛國大長公主

魏國大長公主

越國夫人王氏

華國夫人韋氏

遼

太祖

聖宗

道宗

天祚帝

蕭皇后

寧王長沒

金

熙宗

世宗

章宗

元妃李氏

瀛王瓌

楚王宗雄

金源郡王希尹

元

仁宗

英宗

泰定帝

文宗

順帝

太子愛猷識理達臘

順德王哈刺哈孫

明

太祖

建文君

成祖

仁宗

宣宗

憲宗

孝宗

世宗

神宗

光宗

莊烈帝

李太后

王妃

晉恭王櫛

晉莊王鍾鉉

周定王櫛

周憲王有燉

鎮平王有燿

湘獻王柏

蜀定王友垓

蜀惠王申鑿

蜀成王讓栩

寧獻王權

寧靖王奠培

吉簡王見浚

遼惠王恩鑑

韓昭王旭樾

文城王彌鉗

三城王芝坭

枝江王致樨

荆端王厚烜

益端王祐檣

安塞王秩炅

保安王

高唐王

齊東王

婁妃

楊妃

安福郡主

第二十一卷

歷代帝王畫

后妃諸王附

黃帝

虞

畫嫫

後漢

明帝

魏

高貴鄉公

吳

吳王趙夫人

晉

明帝

梁

元帝

豫章王綜

南郡王大連

武烈世子方等

北齊

廣寧王孝珩

隋

煬帝

唐

高祖

太宗

中宗

玄宗

昭宗

漢王元昌

韓王元嘉

滕王元嬰

江都王緒

嗣滕王湛然

寧王憲

五代

南唐後主李煜

蜀後主后金氏

吳越王錢鏐

宋

仁宗

徽宗

高宗

劉貴妃

劉婉儀

周王元儼

景王宗漢

益王頴

鄆王楷

漢王士遵

景獻太子詢

臨川郡王迺裕

越國夫人王氏

遼

聖宗

興宗

金

海陵王

顯宗

元

文宗

小薛太子

明

太祖

宣宗

憲宗

孝宗

周定王肅

周憲王有燉

鎮平王有燿

寧靖王奠培

唐成王彌錦

岷靖王彥汰

三城王芝境

富順王厚焜

樂安端簡王拱樞

枝江王致樨

浦陽王

湘王

遼王

衡陽王

永寧王

建安王

鍾陵王

潞王

魯王

肅王

C. T. LOO & CO.
41 EAST 57th STREET,
NEW YORK, N. Y.
U. S. A.

併文錄書畫譜

卷五

五

佩文齋書畫譜卷第十九

歷代帝王書上 后妃諸王附

三皇

太皞庖犧氏

太皞庖犧氏風姓代燧人氏繼天而王 史記三皇本紀

古者庖犧氏之王天下也仰則觀象於天俯則觀法於地觀鳥獸之文與地之宜

近取諸身遠取諸物始作八卦以通神明之德以類萬物之情 周易繫辭

伏羲氏命臣飛龍氏 家語注命朱襄為飛龍氏造書契 造六書 古三墳

大昊庖犧氏獲景龍之瑞始作龍書 韋續墨數

炎帝神農氏

炎帝神農氏姜姓火德王故以火名官遂重八卦為六十四爻 史記三皇本紀

炎帝神農氏因上黨羊頭山始生嘉禾八穗作八穗書用頒行時令 墨數

五帝

黃帝軒轅氏

黃帝者少典之子姓公孫氏名曰軒轅官名皆以雲命為雲師注應劭曰黃帝受

命有雲瑞故以雲紀事 史記五帝本紀

黃帝時卿雲常見郁郁紛紛作雲書 墨數



帝服齋中宮有大鳥銜圖體備五色三文成字又至翠嬀之泉有黃龍負圖而出於河其圖五色畢具白圖蘭葉而朱文帝令侍臣寫之以示天下曰河圖書帝既得龍鳳之圖書倉頡之文即制文章始代結繩之政以作書契張君房雲笈七籤

少昊金天氏

少昊金天氏名摯姓己黃帝之子玄囂也通鑑外紀

少昊金天氏以鳥紀官作鸞鳳書文章衣服取以為象墨數

顓頊高陽氏

帝顓頊高陽者黃帝之孫昌意之子也史記五帝本紀

書序孔壁得科斗文字書始云高陽氏作王應麟玉海

高陽氏狀科斗之形作科斗書亦曰篆文釋適之金壺記

帝嚳高辛氏

帝嚳高辛者黃帝之曾孫也史記五帝本紀

高辛氏以人紀事象仙人形作人書車服書器皆為之墨數

帝堯

帝堯家語曰高辛之子曰陶唐索隱曰放勳名帝嚳之子姓伊祁氏史記五帝本紀

陶唐氏因軒轅靈龜負圖作龜書墨數

夏

禹

夏禹名曰文命禹之父曰鯀鯀之父曰帝顓頊

史記夏禹本紀

夏后氏作鍾鼎書以鍾鼎形為象也

墨莊叢

衡山岫嶺峯神禹治水碑在長沙凡七十七字小孤山禹刻在揚子江中廬山洞

中禹刻在廬山上霄峰七十二字

周必大廬山後錄云歸宗後峰半右石室中有夏禹刻字百餘

僅有鴻荒漾禽樁六字可

辨陽明洞禹書淳化閣帖禹書十二字

楊慎法帖神品目

夏禹書石壁篆文在平江縣昌江山

同上

於鑠大禹顯允天德龍畫傍分螺書匾刻

崔融集

古者書法之興皆取象山蟲魚草木之類禹精於水今篆體皆有流水形

顧璣意園

存藁

周

文王 武王

季歷生昌有聖瑞立為西伯曰文王太子發立是為武王

史記周本紀

周文王因赤鴈銜書武王因丹鳥入室作鳥書又因白魚之慶作魚書

古今篆隸

周公

周公旦輔武王封於曲阜曰魯

史記周本紀

禮記卷之...

歷代帝王書上

同文圖書館印

寶龜負圖出周公援筆以寫之尚書中侯

穆王

昭王子滿立是為穆王史記周本紀

贊皇縣壇山上有周穆王石刻四字曰吉日癸巳筆力遒勁有劒拔弩張之狀李

中祐壇山石刻記

吉日癸巳四字世傳周穆王書按穆王時所用皆古文科斗書此字筆畫反類小

篆文趙明誠金石錄

漢

高祖

高祖沛豐邑中人也姓劉氏注荀悅曰諱邦字季邦之字曰國漢五年二月即皇

帝位於汜水之陽漢書本紀

高祖盧縮同日生及高祖縮壯學書又相愛也漢書盧縮傳

武帝

孝武皇帝景帝中子也注荀悅曰諱徹之字曰通漢書本紀

漢武代有靈芝三莖植於殿前遂歌芝房之曲因述為靈芝書又名英芝墨數

武帝有鼎小篆汾陰得鼎而作也同上

元帝

孝元皇帝宣帝太子也注荀悅曰諱夔之字曰盛班固贊曰元帝多材藝善史書
注應劭曰周宣王太史史籀所作大篆漢書本紀

孝成許皇后

孝成許皇后大司馬車騎將軍平恩侯嘉女也后聰慧善史書漢書外戚傳

後漢

光武

世祖光武皇帝諱秀字文叔南陽蔡陽人高祖九世之孫也出自景帝建武元年

即位後漢書本紀

光武手賜萬國者皆一札十行細書成文蔡希綜法書論

章帝

肅宗孝章皇帝諱烜顯宗第五子也少寬容好儒術後漢書本紀

章草本漢章帝書也今淳化官帖有海鹹河淡其書為後世章草宗張彦遠法書要錄

安帝

恭宗孝安皇帝諱祐肅宗孫也父清河孝王慶年十歲好學史書和帝稱之後漢書

本紀

靈帝

孝靈皇帝諱宏肅宗玄孫也後漢書本紀

歷代帝王書上

三 同文圖書館印

佩文韻府書畫記 卷九
初帝好學自造義皇篇五十章因引諸生能為文賦者諸為尺牘及工書鳥篆者皆加引召遂至數十人

後漢書蔡邕傳

章德竇皇后

章德竇皇后扶風平陵人大司馬融之曾孫也年六歲能書親家皆奇之

後漢書本紀

和帝陰皇后

和帝陰皇后光烈皇后兄執金吾識之曾孫也后少聰慧善書藝

後漢書本紀

和熹鄧皇后

和熹鄧皇后諱綏太傅禹之孫也父訓護羌校尉六歲能史書十二通詩論語家人號曰諸生是時方國貢獻競求珍麗之物自后即位悉令禁絕歲時但供紙墨而已

後漢書本紀

順烈梁皇后

順烈梁皇后諱妘大將軍商之女恭懷皇后弟之孫也少善女工好史書嘗以列

女圖畫置於左右以自監戒

後漢書本紀

靈帝王美人

王美人趙國人也祖父苞五官中郎將美人聰敏有才明能書會計

後漢書本紀

北海敬王睦

書斷作穆

北海敬王睦齊武王縝之孫靖王興之子也少好學博通書傳能屬文又善史書

當世以為楷則及寢病明帝使驛馬令作草書尺牘十首後漢書宗室傳

樂成靖王黨

樂成靖王黨明帝子也永平四年賜號重熹王十五年封樂成王黨聰慧善史書喜正文字與肅宗同年尤相親重後漢書孝明八王傳

左姬

左姬字小娥安帝生母也善史書喜辭賦和帝賜諸王宮人因入清河第後漢書清河孝王傳

魏

武帝

太祖武皇帝沛國譙人也姓曹諱操字孟德漢相國參之後魏志本紀

黃初元年追尊曰武皇帝文帝紀

張華博物志曰漢世安平崔瑗瑗子寔弘農張芝芝弟昶並善草書而太祖亞之魏志本紀注

武帝尤工章草雄逸絕倫書斷

大饗碑武帝篆鄭樵金石略

操書傳世絕少惟賀捷表元時尚有本楊慎丹鉛總錄

文帝

文皇帝諱丕字子桓武帝太子也黃初元年八月丙午受禪

魏志本紀 胡冲吳歷

高貴鄉公

高貴鄉公諱髦字彥士文帝孫東海定王霖子也正始五年封郟縣高貴鄉公少好學夙成齊王廢公卿迎立即皇帝位

魏志本紀

少帝善書畫

張彥遠歷代名畫記

文昭甄皇后

文昭甄皇后中山無極人明帝母漢太保甄邯後也父逸上蔡令魏書曰后年九歲喜書視字用諸兄筆研兄謂后言汝當習女工用書為學當作女博士邪后言聞古賢女未有不學前世成敗以為已誠不知書何由見之

魏志本傳

傳注

陳思王植

陳思王植字子建武帝子也善屬文建安十九年徙封臨淄侯明帝太和三年徙封東阿六年以陳四縣封為陳王謚曰思

魏志本傳

陳思胸中磊落發於筆墨以章草書鷄雀賦今為御府所藏

宣和書譜

吳

大帝

孫權字仲謀，堅第二子。吳郡富春人。魏封為吳王。黃龍元年夏四月，即皇帝位。謚

曰大皇帝。吳志本傳

大帝行草品中之下。韋續九品書人論

吳大帝黃武二年刻字在杭州粟山。法帖神品目

景帝

孫休字子烈，權第六子。謚曰景皇帝。吳志本傳

吳錄載休詔曰：孤為四男，作名字太子名靈，靈音如湖水灣澳之灣，字酋酋音如

迄今之迄。次子名靈，靈音如兕觥之觥，字昇昇音如玄礮首之礮，次子名柜，柜音

如草莽之莽，字显显音如舉物之舉，次子名亮，亮音如褻衣下寬大之褻，字熒熒

音如有所擁持之擁，此都不與世所用者同。故鈔舊文會合作之，夫書八體損益

因事而生，今造此名字，既不相配，又字但一庶易棄避。吳志本傳

景帝善書。陶宗儀書史會要

歸命侯

孫皓字元宗，權孫和子也。一名彭祖，字皓宗。孫休立封皓為烏程侯，降晉賜號為

歸命侯。吳志本傳

孫皓上晉武表章草書字畫高古。黃伯思東觀餘論

皓善小篆飛白。書史會要

吳王趙夫人

吳王趙夫人丞相趙達之妹

吳志無趙夫人傳有趙達傳不言其官丞相

善書畫巧妙無雙

歷代名畫記

晉

宣帝

宣皇帝諱懿字仲達河內溫縣孝敬里人姓司馬氏晉國初建追尊曰宣王武帝

受禪上尊號曰宣皇帝廟稱高祖

晉書本紀

淳化法帖有西晉宣帝書十七字

劉次壯法帖釋文

景帝

晉景帝諱師字子元宣帝長子也雅有風采少流美譽魏嘉平四年遷大將軍加

侍中錄尚書事謚忠武武帝受禪上尊號曰景皇帝

晉書本紀

文帝

文皇帝諱昭字子上景帝母弟也魏相國封晉公進爵為王謚曰文武帝受禪追

尊文皇帝

晉書本紀

挹子元之瓌蹟高子上之威神或仰則鍾繇或平視衛臻

寶晉永述書賦

武帝

武皇帝諱炎字安世文帝長子也泰始元年冬十二月受禪廟號世祖

晉書本紀

武帝喜作字於草書尤工落筆雄健挾英勇之氣

宣和書譜

元帝

元皇帝諱睿字景文宣帝曾孫琅邪恭王觀之子也嗣位琅邪王後鎮建業太興

元年三月即皇帝位廟號中宗

晉書本紀

元帝豪翰英異用筆可觀注今見潛潤正書七行

述書賦

明帝

明皇帝諱紹字道畿元皇帝長子也廟號肅祖

晉書本紀

明帝幼有對日之奇及長善書畫有識鑒

歷代名畫記

成帝

成皇帝諱衍字世根明帝長子也廟號顯宗

晉書本紀

成帝草勁力外爽古風內含注今見草批謝草張澄啓七行

述書賦

康帝

康皇帝諱岳字世同成帝母弟也

晉書本紀

康帝今見行書批荅劉訥啓七行

寶蒙述書賦注

哀帝

哀皇帝諱丕字千齡成帝長子

晉書本紀

淳化法帖有哀帝行書四行

法帖釋文

簡文帝

簡文皇帝諱昱字道萬元帝少子 晉書本紀

淳化法帖有簡文帝王行書六行 法帖釋文

孝武帝

孝武皇帝諱曜字昌明簡文帝第三子也 晉書本紀

孝武不規不矩氣有餘高體無所主注今見行書一紙 述書賦

武元楊皇后

武元楊皇后諱豔字瓊芝弘農華陰人也少聰慧善書 晉書本傳

安僖王皇后

安僖王皇后諱神愛琅邪臨沂人也父獻之 晉書本傳

獻之尚新安愍公主無子唯一女後立為安僖皇后亦善書 張懷瓘書斷

齊獻王攸

齊獻王攸字大猷小字桃符文帝子也愛經籍能屬文善尺牘為世所楷咸寧二

年為司空侍中太傅如故 晉書本傳

獻王尤能行草書蘭芳玉潔奇而且古 書斷

武陵威王晞

武陵威王晞字道叔元帝子也出繼武陵王喆後太興元年受封穆帝即位轉征

東大將軍 晉書本傳

道叔正書遠淳邇俗風度不足 述書賦

會稽文孝王道子

會稽文孝王道子字道子簡文帝子孝武帝母弟也出後琅邪孝王少以清談為

謝安所稱後拜侍中太傅 晉書本傳

道子縣密纖潤注今見行書一紙 述書賦

漢

劉聰

劉聰字元明一名載元海第四子也幼而聰悟好學工草隸善屬文偽謚昭武皇

帝廟號烈宗 晉書載記

趙

劉曜

劉曜字永明元海之族子也善屬文工草隸 晉書載記

宋

武帝

高祖武皇帝諱裕字德輿小字寄奴彭城縣綏輿里人姓劉氏楚元王文之二十

一世孫也永初元年夏六月丁卯即位 南史本紀

帝書素拙穆之曰公但縱筆為大字一字徑尺無嫌大既足有所包其勢亦偉帝

從之一紙不過六七字便滿

宋書劉穆之傳

宋武法含古初逸豪巨麗注今見批劉穆之啓兩紙

述書賦

文帝

太祖文皇帝諱義隆小字車兒武帝第三子也年十四博涉經史善隸書

南史本紀

文帝書自云可比王子敬時云天然勝羊欣功夫次於欣

王僧虔論書

文帝隸書入妙行草入能

書斷

孝武帝

世祖孝武皇帝諱駿字休龍小字道人

宋書作道民

文帝第三子也少機穎讀書七行俱

下才藻甚美長於騎射

南史本紀

孝武帝今見正書啓十行又行書四紙

述書賦注

明帝

太宗明皇帝諱彧字景休小字榮期文帝第十一子也帝好讀書愛文義

南史本紀

虞蘇論書表云陛下爰凝睿思淹留草法擬效漸妍賞析彌妙字之美惡書之真

偽剖判體趣窮微入神

法書要錄

南平穆王鑠

南平穆王鑠字休立文帝第四子也少好學有文才未弱冠擬古三十餘首時人

以為迹亞陸機進司空贈司徒

南史本傳

南平筆力結構老成

述書賦

海陵王休茂

海陵王休茂文帝第十四子也為雍州刺史

南史宋文帝諸子傳

休茂長於用筆結字

述書賦

齊

太祖

太祖高皇帝諱道成字紹伯小字鬪將姓蕭氏蘭陵郡人高祖整過江居晉陵武進縣之東城里僑置本土加以南名為南蘭陵人建元元年夏四月甲午即位帝博學善屬文工草隸書弈棋第二品雖經夷險不廢素業

南史本紀

帝善草書祖述子敬嘗與王僧虔賭書曰誰為第一對曰臣書臣中第一陛下書

帝中第一

書斷

武帝

世祖武皇帝諱躋字宣遠高帝長子也小字龍兒

南史本紀

武帝工行草嘗觀落英茂木作瑞華書為辭紀之

書史會要

廢帝

廢帝鬱林王諱昭業字元尚小字法身文惠太子長子也帝少美容止好隸書武帝特所鍾愛勅皇孫手書不得妄出以貴之

南史本紀

臨川獻王映

臨川獻王映字宣光高帝第三子也永明五年開府儀同三司映善騎射解聲律

工左右書左右射贈司空南史齊高帝諸子傳

武陵昭王暕

武陵昭王暕字宣昭高帝第五子也小字三昧高帝雖為方伯而居處甚貧諸子

學書無紙筆暕嘗以指畫空中及畫掌上學字遂工篆法為衛將軍開府儀同三

司南史齊高帝諸子傳

始興簡王鑑

始興簡王鑑字宣徹高帝第十子也性聰警年十四好學善屬文為散騎常侍祕

書監南史齊高帝諸子傳

始興王鑑能書有蘭陵帖宋高宗嘗跋之書史會要

蕭鈞

蕭鈞字宣禮高帝第十一子出繼衡陽元王常手自細書寫五經部為一卷置巾

箱中歷位祕書監南史齊宗室傳

江夏王鋒

江夏王鋒字宣穎高帝第十二子也年四歲好學書無紙札乃倚井闌為書書滿

則洗之已復更書又晨興不肯拂牕塵而先畫塵上學為書字五歲高帝使學鳳

尾諾一學即工高帝大悅以玉騏驎賜之曰騏驎賞鳳尾矣工書為當時蕃王所推南郡王昭業亦稱工謂武帝曰臣書固應勝江夏王武帝答闡黎第一法身第二闡黎鋒小名也隆昌元年為侍中尋加祕書監南史齊高帝諸子傳

竟陵文宣王子良

竟陵文宣王子良字雲英武帝第二子也進位太傅南史齊武帝諸子傳

韓晉公深獲齊竟陵王子良龍爪書十五字置於招隱寺李約飛白蕭字贊

蕭子良著古今篆隸文體王海

梁

武帝

高祖武皇帝諱衍字叔達小字練兒南蘭陵中都里人姓蕭氏與齊同承淮陰令整天監元年夏四月即位帝生有異光舌文八字有文在右手曰武及長博學多通六藝備閑棊登逸品草隸尺牘騎射莫不稱妙南史梁本紀

高祖雅好蟲篆梁書劉孝綽傳

帝好草書狀貌亦古書斷

簡文帝

太宗簡文皇帝諱綱字世讚小字六通武帝第三子昭明太子母弟也幼而聰睿六歲能屬文讀書十行俱下辭藻豔發時號宮體南史梁本紀

簡文帝今見正書四紙并寫禪師碑文及行書四行 述書賦注

元帝

世祖孝元皇帝諱繹字世誠小字七符武帝第七子也始封湘東王帝聰悟俊朗

博極羣書工書善畫 南史梁本紀

臨川王宏子正信常執白團扇湘東王取題八字銘 南史梁宗室傳

梁元帝為湘東王時好學著書常紀忠臣義士及文章之美者筆有三品或以金

銀雕飾或用斑竹為管忠孝全者用金管書之德行清粹者用銀管書之文章贍

麗者以斑竹管書之 計敏夫唐詩紀事

武德邾皇后

武德邾皇后諱徽高平金鄉人也后幼明慧善隸書讀史傳 南史梁后妃傳

昭明太子統

昭明太子統字德施小字維摩武帝長子也生而聰叡五歲徧讀五經天監元年

立為皇太子 南史本傳

崇明寺晉咸熙中建梁昭明太子書額 江寧府志

邵陵攜王綸

邵陵攜王綸字世調小字六真武帝第六子也少聰穎博學善屬文尤工尺牘 南

史梁武帝諸子傳

邵陵行草品下之上 卓續九品書人論

陶弘景碑招隱寺刹下銘皆蕭綸八分書 金石略

蕭綸亦撰書評 述書賦注

蕭堅

蕭堅字長白綸長子大同元年封汝南侯亦善草隸 南史梁武帝諸子傳

蕭確

蕭確字仲正堅弟少驍勇有文才尤工楷隸公家碑碣皆使書之除祕書丞武帝謂曰為汝能文所以特有此授大同二年封正階侯尋徙封永福 南史梁武帝諸子傳

陳

武帝

高祖武皇帝諱霸先字興國小字法生吳興長城下若里人姓陳氏永定元年冬

十月乙亥即位 陳書本紀

帝涉獵史籍善書 書史會要

文帝

世祖文皇帝諱禕字子華始興昭烈王之長子也 南史本紀

帝留意經史號能書 書史會要

後主

後主諱叔寶字元秀小字黃奴宣帝嫡長子也

南史本紀

後主題孫瑒銘後四十字遺左部尚書蔡徵就宅宣勅鐫之

南史孫瑒傳

後主今見行書一紙

述書賦注

武宣章皇后

武宣章皇后諱要兒吳興烏程人本姓鈕父景明為章氏所養因改姓焉后少聰

慧美容儀善書計能誦詩及楚詞

南史陳后妃傳

後主沈皇后

後主沈皇后諱婺華吳興武康人也后性端靜聰明強記涉獵經史工書翰

南史陳后妃傳

始興王伯茂

始興王伯茂字鬱之文帝第二子時軍人於丹徒盜發晉郗曇墓大獲王羲之書

及諸名賢遺蹟並沒縣官文帝以伯茂好古多以賜之由是伯茂大工草隸書甚

得右軍法廢帝時進號中衛將軍

南史陳文帝諸子傳

廬陵王伯仁

廬陵王伯仁字壽之文帝第八子領太子左庶子

南史陳文帝諸子傳

伯仁軟慢尺牘近鄙

述書賦

永陽王伯智

永陽王伯智字策之文帝第十二子少敦厚有器局博涉經史後為特進

南史陳文

帝諸子傳

策之雅意翰墨作字勁舉而行草尤工

宣和書譜

桂陽王伯謀

桂陽王伯謀字深之文帝第十三子位散騎常侍

南史陳文帝諸子傳

伯謀高疎壯浪

述書賦

新蔡王叔齊

新蔡王叔齊字子肅宣帝第十一子也風采明贍博涉經史善屬文位侍中

南史陳

宣帝諸子傳

叔齊書體鬱然

書史會要

長沙王叔懷

黃伯思法帖刊誤云據陳史長沙王叔堅而無叔懷其弟亦無此名觀帖尾作名處疑是叔慎叔慎陳岳陽王也蓋摹傳之變

長沙王叔懷書梅發帖

淳化閣法帖

叔懷行書筆畫負整其論梅發一帖字嫵媚而藏勁氣

宣和書譜

魏

太武皇帝

世祖太武皇帝諱燾

南齊書云字佛狸

太宗明元皇帝之長子也始光二年初造新字千餘

詔曰篆隸草楷並行於世然經歷久遠傳習多失其真今制定文字頒下遠近永

為楷式

魏書本紀

文成文明皇后

文成文明皇后馮氏長樂信都人也后性聰達學書計作勸戒歌三伯餘章又作

皇誥十八章北史魏后妃傳

順思王

順思王未詳教戒經後魏順思王書金石略

隋

煬帝

煬皇帝姓楊氏諱廣一名英小字阿麼高祖第二子也上美姿儀少敏慧好學善

屬文隋書本紀

張天錫草書韻會有煬帝草書楊慎墨池瓌錄

唐

高祖

唐高祖諱淵字叔德姓李氏隴西成紀人也性寬仁襲封唐公隋義寧初歷拜大

丞相進封唐王武德元年即皇帝位廟號高祖唐書本紀

隋鄭州刺史李淵為子祈疾疏大業二年行書在鄠縣金石表

高祖書師王褒得其妙故有梁朝風格焉述書賦注

太宗

太宗諱世民高祖次子也為人聰明英武有大志謚曰文

唐書本紀

太宗書受之於史陵

書斷

太宗於右軍之書特留眷賞貞觀初下詔購求殆盡遺逸萬機之暇備加執玩蘭

亭樂毅尤聞寶重

武平一徐氏法書記

貞觀十四年四月二十二日太宗自為真草書屏風以示羣臣筆力遒勁為一時

之絕至十八年二月十七日召三品已上賜宴於玄武門太宗操筆作飛白書眾

臣乘醉就太宗手中競取散騎常侍劉洎登御牀引手然後得之其不得者咸稱

洎登御牀罪當死請以付法太宗笑曰昔聞婕妤辭輦今見常侍登牀

韋述敘書錄

太宗為飛白書鸞鳳螭龍四字筆勢驚絕謂司徒長孫無忌吏部尚書楊師道曰

朔旦舊俗必用衣及物相賀今各賀卿飛白書

金壺記

唐晉祠銘溫泉銘貞觀中太宗御製并行書

金石錄

貞觀十七年鄭國公太子太師魏徵薨帝親製碑文并為書石

舊唐書魏徵傳

太和中宋國公李令問孫芳詣闕進高祖太宗所賜衛國公靖官告勅書手詔等

十餘卷內四卷太宗文皇帝筆迹文宗寶惜不能釋手其佩筆尚堪書金裝木匣

製作精巧帝並留禁中令書工模寫本還之

舊唐書李靖傳

太宗嘗作筆法指意筆意三說以訓學者又嘗贊王羲之傳論字學

宣和書譜

唐文皇帝妙於翰墨常病戈法難精乃作戩字空其右而命虞永興填之以示魏

鄭公曰朕學世南似盡其法鄭公曰天筆所臨萬象不能逃其形非臣下可擬然
惟戩字戈法乃逼真太宗驚歎

沈寓山寓簡

高宗

高宗諱治字為善太宗第九子也

唐書本紀

高宗雅善真草隸飛白

朱長文墨池編

唐登封紀號文乾封元年高宗撰并行書碑側正書又小字書

金石錄

高宗咸亨中御飛白書題金字波若碑永淳中御札又飛白書一飛字題寺壁

裴灌

嵩岳少林寺碑

宋淳化閣帖第一卷弔江叔帖叔藪韞多材帖荅進杞杞并移營五橋南二帖皆

高宗書

東觀餘論

永徽七年夏四月御安福門觀僧玄奘迎御製并書慈恩寺碑文

舊唐書本紀

高宗初扶牀將戲弄筆左右試置紙於前乃亂畫滿紙角邊畫處成草書勅字太

宗遽令焚之不許傳外

段成式酉陽雜俎

高宗嘗為飛帛書賜侍臣賜戴至德曰汎洪源俟舟楫郝處俊曰飛九霄假六翮

李敬立曰資啓沃罄丹誠崔知悌曰竭忠節贊皇猷皆意見於辭云

唐書戴至德傳

龍朔二年四月上自為書與遼東諸將謂許敬宗曰許圜師嘗自愛書可於朝堂

開示圜師見甚驚喜私謂朝官曰圜師見古蹟多矣今觀聖蹟兼絕二王鳳翥鸞

迴實古今書聖也 法書要錄

潤州栖霞寺是梁處士明山賓故宅帝特為製碑文親書於石論者榮之 舊唐書明崇

嚴傳

帝營奉天宮田遊巖舊宅直宮左詔不聽毀天子自書榜其門曰隱士田遊巖宅

唐書田遊巖傳

中宗

中宗諱顯高宗第七子也 唐書本紀

唐述聖紀文明元年武后撰中宗正書 金石錄

正月八日立春內出綵花賜近臣武平一應制詩成中宗手勅批云平一年雖最

少文甚警新今更賜花一枝以彰其美 唐詩紀事

睿宗

睿宗諱旦 舊唐書云初名旭輪 上元二年封相王高宗第八子也好學通訓詁工草隸書 唐書

本紀

周登封元年昇中述志碑武后自撰睿宗書碑極壯偉立於嵩山之巔 金石錄

唐延和元年七月改故建國寺為大相國寺睿宗御書碑額為一絕 郭若虛圖畫見聞

志

唐龍興聖教序神龍元年中宗撰相王旦正書 金石錄

睿宗書法正體不尚浮華

述書賦注

玄宗

玄宗諱隆基睿宗第三子也性英斷多藝善八分書

舊唐書本紀

玄宗善八分書將命相先以御體書其姓名置案上

李德裕次柳氏舊聞

唐明皇工八分章草豐茂英特初張說為麗正殿學士獻詩明皇自於彩箋上八

分書讚

周越古今法書苑

玄宗開元中親注孝經并製序八分書之立於國學

程大昌演繁露

唐鶴鳴頌天寶中明皇撰并行書天台山桐柏觀頌天寶元年明皇正書篆額

金

石錄

開元十五年以司馬承禎王屋所居為陽臺觀上自題額

舊唐書司馬承禎傳

開元十六年帝自擇廷臣為諸州刺史詔宰相諸王御史以上祖道洛濱盛具奏

太常樂帛舫水嬉命高力士賜詩令題座右帝親書且給筆紙令自賦

唐詩紀事

開元十七年宋璟為尚書右丞相張說為左丞相源乾曜為太子少傅同日拜有

詔大官設饌太常奏樂會百官尚書省吏堂帝賦三傑詩自寫以賜

唐書宋璟傳

張說嘗自製其父贈丹州刺史隲碑文玄宗聞之御書其碑額賜之曰嗚呼積善

之墓又玄宗為說自製神道碑文御筆賜謚曰文貞

唐書張說傳

上幸東都還京師因校獵於城南經盧懷慎別業遣中書侍郎蘇頌為其碑文上

自書焉舊唐書盧懷慎傳

開元中盧奐為陝州刺史玄宗幸京師次陝城頓審其能政於廳事題贊而去舊唐書盧奐傳

太子賓客韓思復卒天子親題其碑曰有唐忠孝韓長山之墓唐書韓思復傳

紅樓中有玄宗題詩草八分每一篇一體鄭弼津陽門詩注

宋道士貳通元居承天觀即唐軒遊官有明皇詩石及所書道德經二碑宋史方技傳

肅宗

肅宗諱亨舊唐書云初名嗣昇玄宗第三子也性純孝好學天寶十五載即皇帝位於靈武唐書

本紀

明皇在御以行書八分章草書為時矜式肅宗行書亦有家法宣和書譜

唐多心經天寶九載皇太子亨書工部尚書來曜碑上元二年肅宗御篆額金石錄

代宗即位郭子儀上表進肅宗所賜前後詔勅曰臣受恩塞下制敵行間東西十

年前後百戰自靈武河北河南彭原廊坊河東鳳翔兩京絳州臣所經行賜手詔

勅書凡二十卷舊唐書郭子儀傳

薛紹彭收肅宗千文宋帝書史

代宗

代宗諱豫舊唐書云初名傲肅宗長子也聰明寬厚好學強記通易象唐書本紀

凡... 歷代帝王書上... 同文圖書館印

C. T. LEE & CO.
41 EAST 57th STREET,
NEW YORK, N. Y.
U. S. A.

何文苑書言
卷九

代宗留心翰墨於行書益工宣和書譜

唐慈恩寺常住莊地碑大曆六年代宗篆額金石錄

唐批荅沙門佛藏表代宗書在京兆府金石略

德宗

德宗諱适代宗長子也唐書本紀

德宗性識強敏羣臣章奏批荅翰墨落落可觀宣和書譜

貞元元年河中平馬燧還太原德宗賜燧宸宸台衡二銘燧至太原乃勒二銘於

起義堂西偏帝為題額舊唐書馬燧傳

劉禹錫代杜相公謝手詔表注云詔後批云朕自書文苑英華

唐批荅河中尹渾瑊賀表德宗書在京兆府金石略

順宗

順宗諱誥德宗長子也為人寬仁喜學藝善隸書唐書本紀

建中元年為皇太子德宗之為詩并他文賜大臣者皆令上書之韓愈順宗實錄

貞元五年李晟與侍中馬燧見於延英殿詔有司各圖其像於舊臣之次仍令

皇太子書是命紀於壁焉復命皇太子書其文以賜晟晟刻石於門左舊唐書李

晟傳

帝至自梁李晟以戎服見三橋帝紀其功自文於碑勅皇太子書立於東渭橋

以示後世又令太子錄副以賜

唐書李晟傳

唐段秀實碑貞元元年德宗撰皇太子誦行書麟德殿宴羣臣詩貞元四年德宗撰皇太子誦行書韋皋紀功德碑貞元二十年德宗撰皇太子誦正書

金石錄

憲宗

憲帝諱純順宗長子也

唐書本紀

元和四年七月御製前代君臣事迹十四篇書於六扇屏風出書屏以示宰臣

舊唐書本紀

穆宗

穆宗諱恒憲宗第三子也

唐書本紀

元和十年韋綬充太子諸王侍讀憲宗嘗召對綬奏曰太子學書至依字輒去旁人臣問之太子云君父以此可天下奏事臣子不合全書上益嘉太子之賢

舊唐書

韋綬傳

文宗

文宗諱昂穆宗第二子也

唐書本紀

文宗恭儉儒雅出於天性

唐書宣宗紀贊

太和八年御寫周易義五道示羣臣

舊唐書本紀

開成四年上已曲江賜宴羣臣賦詩裴度以疾不能赴文宗遣中使賜度詩仍賜

御札曰朕詩集中欲得見卿唱和詩故令示此 舊唐書裴度傳

宣宗

宣宗諱忱憲宗第十三子帝雅好儒士當時以大中之政有貞觀之風焉 舊唐書本紀

宣宗精於聽斷其手寫詔勅為時榮遇諸宗承襲太宗之學皆以翰墨流傳至宣

宗復以行書稱 宣和書譜

嘉興天聖寺有唐宣宗真蹟 陸友研北雜志

昭宗

昭宗諱晔 舊唐書云初名傑 懿宗第七子也 唐書本紀

帝攻書好文尤重儒術 舊唐書本紀

昭宗喜作書字錢鏐以節制領浙右昭宗以衣襟書賜鏐 宣和書譜

竇后

高祖太穆皇后竇氏京兆始平人隋定州總管神武公毅之女也善書學類高祖

之書人不能辨工篇章而好存規誡 舊唐書本傳

則天皇后

則天皇后武氏諱曠并州文水人也上元元年高宗號天皇皇后號天后天下謂

之二聖弘道元年為皇太后臨朝稱制天授元年后自稱皇帝改國號周長安五

年上后號曰則天大聖皇帝 唐書本紀

后初得晉王導十世孫方慶家藏書蹟摹搨把翫自此筆力益進其行書有丈夫氣宣和書譜

薦福寺天后飛白題額崇福寺武后題額歷代名畫記

周昇仙太子碑聖曆二年武后撰并行書金石錄

延載初周允元除鳳閣鸞臺平章事證聖元年卒則天為七言詩傷之又自繕寫

時以為榮舊唐書周允元傳

天后出新意增減前人筆畫為十九字曰厠天峯地回日困月○星厠君垂年缶

正忠臣照嬰戴胤戴庾戴囹國颯初整證蝥授生人璧聖匡聖當時臣下章奏與天

下書契咸用其字宣和書譜按唐書后妃傳止十有二文

上官昭容

上官昭容名婉兒西臺侍郎儀之孫天性韶警善文章自通天以來內掌詔命按

麗可觀帝即位進拜昭容景雲中謚惠文唐書本傳

千福寺額上官昭容書歷代名畫記

呂溫上官昭容書樓歌序云貞元十四年友人崔仁亮於東都買得研神記一卷

有昭容列名書縫處呂衡州集

楚王智雲

楚王智雲高祖第五子初名稚詮善射工書弈唐書本傳

漢王元昌

漢王元昌高祖第七子也少好學善隸書武德三年封魯王貞觀中授華州刺史

轉梁州都督改封漢王

舊唐書本傳

漢王元昌書受之於史陵

李嗣真書後品

漢王祖述羲獻雖在童年已精筆意

墨池編

漢王善行書諸王仲季並有能名韓王曹王即其亞也

書斷

韓王元嘉

韓王元嘉高祖第十一子也少好學聚書至萬卷採碑文古蹟多得異本其修身

潔已內外如一當代諸王莫能及者

舊唐書本傳

韓工於草行

書斷

魯王靈夔

魯王靈夔高祖第十九子也少有美譽好學工草隸貞觀五年封魏王改封燕王

授幽州都督改封魯王

舊唐書本傳

魏王泰

魏王泰字惠褒太宗第四子也少善屬文武德三年封宜都王貞觀二年改封越

王徙封魏王太宗以泰好士愛文學特令就府別置文學館任自引名學士泰撰

括地志詔令付祕閣貞觀二十一年進封濮王

唐書本傳

魏王魯王即韓王之倫也

書斷

曹王明

曹王明太宗第十四子貞觀二十一年受封顯慶中梁州都督後歷號蔡蘇三州

刺史

舊唐書本傳

曹妙於飛白

書斷

曹王明行書絕時飛白亂王右軍有唐以來一人而已

書史會要

江都王緒

江都王緒霍王元軌子多才藝善書畫

歷代名畫記

范陽王藹

范陽王藹魯王靈夔次子封范陽王歷右散騎常侍

唐書本傳

高宗與魯王帖云叔藝韞多材慈深善誨藹夙奉趨庭之訓早擅臨池之工聞其

比來復愛飛白昨故戲操翰墨聊以示藹

法帖釋文

嗣江王禕

嗣江王禕吳王琨子撫異母弟祇以友稱當襲封固讓祇中宗嘉其意特封嗣江

王開元時徙信安郡王天寶初以太子少師致仕

唐書本傳

石橋詩刻記嗣江王李禕登石橋尋王質觀碁作五言後刺史韋公王之外孫刻

其詩於橋下字畫精妙詩有云薄煙曩遠郊遙岑沒歸翼楊用修以為仙詩謬也

岐王範

岐王範睿宗第四子始名隆範避帝諱去二名初王鄭改封衛俄降封巴陵進王岐為太

常卿并州大都督左羽林大將軍歷州刺史遷太子太傅開元十四年薨冊書贈

惠文太子範好學工書愛儒士聚書畫皆世所珍唐書本傳

太子瑛

太子瑛玄宗太子始王真定進王郢開元三年立為皇太子二十五年廢為庶人唐書本傳

玄宗患穀洛歲暴耗徭力詔李適之以禁錢作三大防曰上陽積翠月陂自是水

不能患刻石著功詔永王璘書皇太子瑛署額唐書李適之傳

永王璘見上李適之傳

永王璘玄宗子長聰敏好學既封肅宗初領荊州大都督俄又領山南江西嶺南黔中

四道節度使唐書本傳

唐石臺道德經開元二十三年道門威儀司馬秀等請於兩京及天下應修宮齋

等州皆立石臺刊勒其經文御書其注皆諸王所書羣臣請立道德經臺奏答并

書注諸王列名附唐玄宗諸子三十人字皆一體集古錄

壽王清

壽王清玄宗第十八子母武惠妃寵傾後宮宮中常呼為十八郎開元十三年封

壽王二十三年改名瑄加開府儀同三司 舊唐書本傳

唐天章雲篆碑陰文壽王清書在蜀州青城山 墨池編

臨川公主

臨川公主 太宗女 韋貴妃所生下嫁周道務主工籀隸能屬文高宗立上孝德頌帝下

詔褒荅永徽初進長公主恩賞卓異 唐書本傳

晉陽公主

晉陽公主 太宗女 字明達幼字兕子文德皇后所生主臨帝飛白書下不能辨 唐書本傳

梁

太祖

太祖皇帝姓朱氏宋州碭山午溝里人名温更名晃 五代史梁本紀

太祖批荅賀表行書字體純熟 宣和書譜

末帝

末帝太祖第三子友貞也為人美容貌沉厚寡言雅好儒士 五代史梁本紀

末帝喜弄翰墨多作行書批勅大者盈尺筆勢結密有王氏義獻法 書史會要

後唐

太祖

太祖李克用雲州刺史大同軍防禦使國昌子其先本號朱耶唐懿宗賜姓李僖

宗即位拜大將軍防禦使昭宗封晉王莊宗同光元年追尊為皇帝謚曰武廟號

太祖 五代史唐本紀

李克用題名正書中和五年二月今在曲陽縣北嶽廟中 金石文字記

明宗

明宗皇帝名嗣源 五代史唐本紀

千峰禪院勅後唐明宗行書天成元年立於山西澤州 金石表

魏國夫人陳氏

魏國夫人陳氏襄陽人也善書 唐書沙陀傳

周

世宗

世宗皇帝本姓柴氏邢州龍岡人柴氏女適太祖是為聖穆皇后后兄子榮幼從

姑長太祖家太祖遂以為子器貌英奇善騎射通書史 五代史周本紀

世宗神武之略氤氳盤礴發於筆端其運用處過人遠甚賜張昭詔有行書法 書

史會要

吳

吳王楊渭

吳王楊渭行密第二子初名瀛改名隆演字鴻源即吳王位改天祐十六年為武

義元年謚曰宣弟溥僭號追尊為高祖宣皇帝五代史吳世家

桓宣武草書十六字并吳王楊渭題在石楊休家墨池編

南唐

元宗

南唐元宗景初名景通馬令南唐書云字伯玉烈祖昇長子既立又改名璟廟號元宗五代史南

唐世家

徐鉉曰嗣主工筆札始出閣即命於廬山瀑布前構書齋為他日終焉之計及迫

於紹襲遂捨為開先精舍馬令南唐書

元宗後主俱善書法元宗學羊欣後主學柳公權皆得十九陸游南唐書

元宗嘗作浣溪沙二闕手寫賜王感化後主即位感化以詞札上後主感動賞賜

感化甚優馬令南唐書

後主

後主煜字重光初名從嘉景帝第六子善屬文工書畫五代史南唐世家

後主善書作顛筆樛曲之狀遒勁如寒松霜竹謂之金錯刀作大字不事筆卷帛

書之皆能如意世謂撮襟書陶穀清異錄

江南後主傳二王撥鐙法王洙王氏談錄

江南李主手改表草筆力不減柳誠懸乃知今世石刻曾不得其髣髴黃山谷集

江南李後主常於黃羅扇上書以賜官人慶奴張邦基墨莊漫錄

李主筆法稱鐵鈎鎖陳沂金陵世紀

先主种氏

先主种氏江西良家女性警悟通書計馬令南唐書

後主昭惠后周氏

後主昭惠后周氏小字娥皇大司徒宗女通書史善音律尤工琵琶元宗賞其藝取所御琵琶時謂之燒槽者賜焉後病亟以元宗所賜琵琶及常臂玉環親遺後主又自為書請薄葬馬令南唐書

保儀黃氏

後主保儀黃氏江夏人後主選為保儀書學技能多出於天性後主屬意會小周專房品秩不加第以掌墨寶而已初元宗後主皆妙於筆札博收古書有獻者厚賞之官中圖籍萬卷尤多鍾王墨蹟皆繫保儀所掌馬令南唐書

吉王從謙

吉王從謙宋史作從誦元宗第九子後主母弟也數歲賦觀碁詩後主賞歎久之馬令南唐書

從謙學晉二王楷法用宣城葛筆一枝酬十金勁妙甲於當時從謙號為翹軒寶

帚南唐拾遺記

後蜀

太子玄詰

玄詰字遵聖幼聰悟善隸書年十四封秦王嘗自書姚崇口箴刻諸石廣政二十

五年立為皇太子

宋史西蜀世錄

後蜀歲除日諸宮門各給桃符一對俾題元亨利貞四字時太子善書札選本宮

策勳府桃符親自題曰天垂餘慶地接長春

黃休復茅亭客話

南漢

劉龔

劉龔初名巖上蔡人徙南海身長七尺垂手過膝末帝即位封南海王貞明三年

即皇帝位國號大越改元乾亨以趙光胤為兵部尚書平章事光胤自以唐甲族

常快快思歸龔乃習為光胤手書遣使間道至洛陽召其二子及家屬至光胤驚

喜為盡心焉謚天皇帝廟號高祖

五代史南漢世家

龔治昭陽殿親書其榜

五國故事

吳越

武肅王錢鏐

武肅王錢鏐字具美杭州臨安人梁郢王友珪冊尊尚父末帝加天下兵馬都元

帥唐莊宗時自稱吳越國王謚武肅

五代史吳越世家

太宗以王善於草隸遣中使取王草書筆蹟王以風恙手不能握筆命將往時所

書絹圖草字遣世子惟濬因中使以進下詔獎諭又命王取平日所書隸書觀看

太宗大悅收取數幅

吳越備史

武肅王札翰花隨腕下星逐豪飛靄若遊雲細疑垂露鈎刀向背未饒索肉芝筋

點畫方負高掩崔肥趙瘦就中濡染碑額益見呈露鋒鋷四方仰之神蹤一代稱

之墨寶王逸少若見甘避鴈行蕭子雲如逢大慙蟬翼 皮光業吳越國武肅王廟碑文

錢尚父書號稱當代入神品

黃山谷集

忠懿王倣

忠懿王倣字文德本名弘倣鏐孫元瓘第九子頗知書雅好吟詠自編其詩數百首因陶穀奉使至江南求為之序善草書歸朝後宋太宗一日遣使謂曰聞卿善草聖可寫一二紙進來倣即以舊所書絹圖上之詔書褒美因賜玉硯金匣一紅

綠象牙管筆龍鳳墨蜀牋盈丈紙皆百數

宋史吳越世家

太宗稱忠懿王筆法入神品中外書學不能出其右

黃山谷集

倣喜翰墨善顛草幹旋盤結不減古人

宣和書譜

東漢

劉承鈞

劉承鈞旻次子少好學工書

五代史東漢世家

佩文齋書畫譜卷第二十

歷代帝王書下

后妃詩
王附

宋

太祖

太祖諱匡胤姓趙氏涿郡人後周恭帝禪位定有天下之號曰宋三代而降考論
聲明文物之治道德仁義之風宋於漢唐蓋無讓焉

宋史本紀

政和五年因建明堂有旨徙祕書省出於外在宣德門之東亦古東觀類云祕書
省自政和末既徙於東觀之下宣和中間始告落上因踵故事為幸之御手親持
太祖皇帝天翰一軸以賜三館誥羣臣曰世但謂藝祖以神武定天下且弗知天
縱聖學筆札之如是也今付祕閣永以為寶於是大臣近侍因得瞻拜太祖書札
有類顏字多帶晚唐氣味時時作數行經子語又間有小詩三四章皆雄偉豪傑
駭動人耳目宛見萬乘氣度往往跋云鐵衣士書似及微所遊戲翰墨也

蔡條鐵圍

山叢譚

太祖嘗有所書詩數幅天下一統四大字處分手札楷書三行傳世人知寶愛

史會要

太宗

太宗諱炅初名匡乂改賜光義宣祖第三子性嗜學工文業多藝能

宋史本紀

五代以來筆札無體鍾王之法幾乎絕矣太宗在南宮留意翰墨自是學者書體

不變章如愚山堂考索

熙陵妙盡八法當時士大夫皆親承指畫黃庭堅山谷集

太宗真造八法草入三昧行書無對飛白入神米芾海岳名言

太宗方在躍淵留神墨妙斷行片簡已為時人所寶及既即位區內砥平朝廷燕寧萬幾之暇學書至於夜分巧倍前古體兼數妙英氣奇采飛動超舉聖神絕藝無得而名焉帝善篆隸草行飛白八分而草書冠絕嘗語近臣曰朕君臨天下亦有何事於筆研特中心好耳江東人能小草累名詰之殊不知向背也小草字學難究飛白字勢罕工吾亦恐自此廢絕矣蓋深慮書法之缺墜而勤以興之也墨池編

太宗嘗夜召書學葛湍問徐鉉草書如何湍曰鉉留心篆籀不聞草聖上曰鉉嘗見朕書否湍曰臣僚非詔賜無由得觀上喜於軸中出御草書二紙曰一以賜汝

一以賜鉉宋太宗實錄

上嘗臨幸祕閣出草書千字文賜李至勒石上曰千文乃梁武得破碑鍾繇書命

周興嗣次韻而成理無足取若有資於教化莫孝經若也乃書以賜至宋史李至傳

前世錢未有草書者淳化中太宗皇帝始以宸翰為之既成以賜近臣崇寧大觀

御書錢蓋襲故事也趙德麟侯鯖錄

太宗皇帝肇修三館更立祕閣於昇龍門左親為飛白書額作贊刻石閣下宋史

雍熙三年十月朝上出飛白書賜宰相李昉等因謂曰朕退朝未嘗虛度光陰讀

書外留意真草書近又學飛白昉等頓首謝

彭百川太平治迹統類

至道二年六月出飛白書二十軸賜宰相呂端等人五軸又以四十軸藏祕閣字

皆方圓數尺上曰飛白依小草書體與隸不同朕好之既久遂盡其法

山堂考索

上撰趙普神道碑銘親八分書以賜之

宋史趙普傳

端拱二年以御書急就章藏於祕閣刻石賜近臣

山堂考索

太宗每當暑月御書團扇賜館閣學士

蓬山志

太宗皇帝嘗遣使購募古先帝王名臣墨帖集為十卷淳化三年冬詔刊之後大

臣登二府皆以賜焉

法帖釋文

真宗

真宗諱恒太宗第三子幼英睿姿表特異初學受經一覽成誦天禧四年召近臣

於龍圖閣觀御製文辭帝曰朕聽覽之餘以翰墨自娛出御製七百二十二卷付

宰臣

宋史本紀

真宗在東宮太宗勗令學草書

王鍾國老談苑

真宗皇帝善草聖

法帖釋文

乾興元年三月丙子賜輔臣御飛白書各一軸初上未嘗為飛白書一日見飛白

筆遂取試書其體勢道勁有如夙習因以分賜焉十二月甲辰親書唐賢詩分賜

玉海

真宗幸大名題詩宮壁數十篇字可大如斗道健有法

潘仲駿大名府志

真宗善書甚得晉人風度

書史會要

仁宗

仁宗諱禎初名受益真宗第六子景祐二年置邇英延義二閣寫尚書無逸篇於屏至和七年幸寶文閣為飛白書分賜從臣

宋史本紀

仁宗萬幾之暇無所翫好惟親翰墨而飛白尤為神妙凡飛白以點畫象物形而點最難工至和中有書待詔李唐卿撰飛白三百點以進自謂窮盡物象上亦頗佳之乃特為清淨二字以賜之其六點尤為奇絕又出三百點外

歐陽修歸田錄

皇祐三年飛白書筆法二字賜講讀官皇祐以後每歲重午節必賜飛白書扇天聖五年召輔臣至崇政殿賜織成御飛白字圖

玉海

蔡襄知制誥帝親書君謨二字遣使持詔予之

宋史蔡襄傳

天聖五年九月召輔臣觀御飛白書慈孝寺崇真殿榜於承明殿崇真殿者真宗神御殿也十一月上親篆慈孝寺碑額慶曆五年以寶相佛閣為慈尊閣御飛白書榜賜之寶元元年作舍人院閣上親篆其榜曰紫微閣以賜之慶曆六年太平

興國寺重修太祖神御開先殿成上飛白書榜皇祐二年前上將祀明堂太常禮院

言明堂及門當為殿榜上曰二榜當親書是日於禁中服鞞袍篆明堂二字飛白明堂之門四字自晝逮夜半而畢宣示羣臣又詔模刻二榜為副本頒二府及近侍皇祐中賜王曾碑曰旌賢又親篆寇準碑曰旌忠賜碑額者二十二人嘉祐中御書五臺真容院寶章閣榜御篆文宣王廟門并殿牌至和二年飛白鳳翔上清宮榜

玉海

仁宗字勢皆有法度崇政延英之宣示飛白揭琳宮之榜篆額動感應之碑皆足以顯一時之榮遇

山堂考索

英宗

英宗諱曙濮安懿王允讓第十三子四歲仁宗養於內皇祐七年立為皇子八年

嗣皇帝位

宋史本紀

英宗皇帝最喜書儒臣王廣淵以書得侍從

法帖釋文

治平元年英宗召輔臣觀御篆孝嚴殿額於迎陽門又御篆賈昌朝碑又御書四

民安康字賜司馬光

玉海

神宗

神宗諱頊英宗長子天性好學至日晏忘食治平三年立為皇太子四年即皇帝

位

宋史本紀

神宗皇帝喜徐浩書熙寧元豐間天下化之

法帖釋文

熙寧元年名輔臣觀御書英德殿牌於迎陽門元豐五年御崇政殿召輔臣觀景靈宮御書十一殿榜

玉海

哲宗

哲宗諱煦神宗第六子元豐五年封延平郡王八年皇太后垂簾諭宰相王珪等曰皇子性莊重從學穎悟手寫佛書為帝祈福因出以示珪等所書字極端謹珪等稱賀遂奉制立為皇太子戊戌即皇帝位

宋史本紀

先帝大喜鍾王書

法帖釋文

邇英講論語終篇賜執政講讀史官燕於東宮又遣中使就賜御書詩各一首臣軾得紫薇花絕句

東坡集

元祐五年名講讀官講書讀寶訓賜御書詩一首上親書姓名於後

玉海

徽宗

徽宗諱佶神宗第十一子崇寧元年籍元祐及元符末宰相文彥博等侍從蘇軾等餘官秦觀等內臣張士良等武臣王獻可等凡百有二十人御書刻石端禮門政和七年道籙院上章冊為教主道君皇帝

宋史本紀

政和七年國子監辟離御書大成殿榜宣和四年幸祕書省宣示御書千文十體書洛神賦行草近詩

玉海

徽宗御府所儲書其前必有御筆金書小楷標題

趙希鵠洞天清錄

子道請鑄小鐵錢因範格以進徽宗大說御書宣和通寶四字為錢文

宋史宗室子

裕陵作黃庭堅書體後自成一法

鐵圍山叢談

徽宗行草正書筆勢勁逸初學薛稷變其法度自號瘦金書

書史會要

欽宗

欽宗諱桓徽宗長子宣和七年嗣位

宋史本紀

靖康元年上手書裴度傳賜李綱

宋史李綱傳

乾道七年吳敏孫楠進一百軸劉愈進二軸八年毛奎孫勸進十軸毛勤進一百

軸九年陳過庭孫述進十四軸張伯成進詔旨一軸程邵進御筆八十八軸及東

宮書詩賦各一軸並欽宗御書

玉海

高宗

高宗諱構字德基徽宗第九子宣和三年封康王資性朗悟博學強記讀書日誦

千餘言建炎元年即帝位於濟州手詔巡幸東南遷都臨安紹興三十二年詔皇

太子即位稱太上皇帝處德壽宮

宋史本紀

宋高宗評書一卷亦名翰墨志

宋史藝文志

高宗以御書真草孝經賜秦檜紹興九年檜請刻之金石以傳於後上曰世人以
十八章童蒙書不知聖人精微之學皆出乎此朕因學草聖遂以賜卿豈足傳後

檜再三請乃從之 宋學士院經進中興紀事本末

高宗即位十九年于戈之日居多乃能親御翰墨作小楷以書周易尚書毛詩春秋左傳全帙又節禮記中庸儒行大學經解學記五篇章草語孟悉送成均 曾惇

石刻鋪敘

思陵妙悟八法留神古雅訪求法書名畫不遺餘力清閑之燕展玩摹搨不少怠

陸游渭南集

高宗皇帝飛龍之初頗喜黃庭堅體格後又采米芾已而皆置不用顯意義獻父子手追心慕曾不數年直與之齊驅並轡紹興十年御書太后玉冊上曰學書必

以鍾王為法然後出入變化自成一家 玉海

太上嘗書玉堂二字賜學士周茂振鱗之刻石廳上 周必大玉堂雜記

淳熙五年太上賜史少保御書四軸隨駕宮人內官並賜金絲御書扇 周密乾淳起居注

集芳園堂榭有名者曰蟠翠 古 松雪香 古 梅翠巖 奇 倚繡 雜 挹露 海 玉蕊 瓊花 清勝 山 皆

高宗御扁 周密齊東野語

高宗詔書親札雲章奎畫超古冠今 玉海

孝宗

孝宗諱昚字元永太祖七世孫秀王偁子紹興二年育於禁中三十二年立為皇

太子即皇帝位淳熙十六年傳位皇太子帝之重華宮上尊號曰壽皇聖帝宋史本紀

高廟嘗臨蘭亭賜壽皇於建邨云可依此臨五百本陸游老學庵筆記

隆興三年虞允文使蜀太上賜御書聖主得賢臣頌上又為之製跋宋史虞允文傳

隆興中上書崔寔政論賜輔臣宋史范成大傳

淳熙三年太上賜官家御書急就章并金剛經官家却進御書真草千文太上甚

喜云大哥近日筆力甚進上起謝同皇太子蟠松下看御書詩周密乾淳起居注

蕭燧知樞密院孝宗每稱其全護善類誠實不欺手書二十八將傳以賜宋史蕭燧傳

傳

乾道八年賜進士黃定等御書益稷謨淳熙中御書旅葵篇賜進士姚穎等書唐

元稹牡丹詩扇賜吳琚書劉禹錫詩賜張子仁書楊傑二軒記賜子仁書白居易

七德舞賜翰林學士周必大御書梅詩賜步帥岳建壽御書扇賜殿帥郭棣書杜

牧戰論賜皇太子御書詩賜濮王士勗永陽王居廣書琅邪山詩賜吳琚書蘇軾

四詩石湖二字賜范成大淳熙十二年洪邁直禁林賜宸翰唐白居易詩一首宋

鮑照舞鶴賦一軸玉海

聚景園清波門外堂扁皆孝宗御書泗水潛夫南宋宮殿記

孝宗筆法之妙明堂嚴宗祀之恭經閣崇奎章之奉賜書懋進士之訓詩篇侈臣

風文齋書畫譜 卷三十一 歷代帝王書下 同文圖書館印

工之榮鈞珥昭回超冠八法

洪邁野處猥案

孝宗書有家庭法度

書史會要

光宗

光宗諱惇孝宗第三子紹熙五年皇子嘉王即位尊為太上皇帝

宋史本紀

趙汝愚請立皇子嘉王為太子奉御批八字以奏太皇太后曰既有御筆卿當奉

行

宋史寧宗本紀

皇甫履隱廬山光宗在東宮特書神泉二字

何晏九江志

慶元二年五月詔詳定官許及之編次太上領尹日御筆為七十一冊總目一冊

御筆六十五軸兵籍一冊十一月上詣壽康宮恭進聖安壽仁太上皇帝領尹御

筆案牘共七十一卷

玉海

寧宗

寧宗諱擴光宗第二子初封嘉王紹熙五年即皇帝位

宋史本紀

黃裳為嘉王府翊善每歲誕節則陳詩以寓諷其後又以王所講三經為詩三章

以進王喜為置酒手書其詩以賜之

宋史黃裳傳

端平二年御書張九齡進金鏡事賜真德秀淳祐元年讀仁皇訓典終篇親御奎

章以禮記大學張載西銘呂大臨克己銘程顥顏樂亭分賜輔臣

玉海

趙與權授萬壽觀使帝書安貧樂道植節秉忠字賜之

宋史趙與權傳

吳淵拜資政殿大學士封金陵侯賜錦繡堂忠勤樓大字宋史吳淵傳

開禧皇帝親御翰墨書崇道菴三字賜妙行先生包道成渭南集

史守之退處月湖與慈湖諸公講肄為樂寧宗書碧沚字賜之文徵明甫田集

靈隱觀寧宗御書冲隱菴湖山勝槩

寧宗書學高宗書史會要

理宗

理宗諱昀太祖十世孫寧宗以為皇子嗣皇帝位宋史本紀

理宗被選時史衛王當國私引入書院中試令寫字即大書朕聞上古衛王慄而

起曰此天命也於是立儲之意遂定周密癸辛雜識

教授鄭清之日教昀為文購高宗書俾習焉宋史鎮王竑傳

端平中贈楊畋講讀官御飛白書扇遣使特賜宋史楊畋傳

西湖一曲奇勛理宗御書齊東野語

度宗

度宗諱禔太祖十一世孫父榮王與芮理宗母弟也寶祐元年立為皇太子景定

五年即皇帝位宋史本紀

秋壑遂初客堂度宗御書齊東野語

度宗書法體制不失家教書史會要

曹皇后

仁宗曹皇后真定人樞密使武惠王彬之孫也性慈儉重稼穡常於禁苑種穀親

蠶善飛帛書宋史本傳

慈聖曹太后工飛白蓋習觀昭陵落筆也先人舊藏一美字徑二尺許筆勢飛動

用慈壽宮寶老學菴筆記

向皇后

神宗向皇后河內人宰相敏中曾孫哲宗立尊為皇太后宋史本傳

向皇后工行草書史會要

劉貴妃

劉貴妃其出單微入宮即大幸由才人七遷至貴妃政和三年卒謚曰明達宋史本傳

傳

貴妃臨安人紹興十八年入宮專掌御前文字工書畫陳善杭州志

吳皇后

高宗吳皇后開封人博習書史又善翰墨高宗內禪稱太上皇后名所御殿曰慈

福宋史本傳

慈福皇太后喜親翰墨尤愛蘭亭嘗作小楷一本全是王體流傳內外故陸升之

代劉珙造春帖子有云內仗朝初退朝曦滿翠屏硯池深不凍端為寫蘭亭桑世昌

劉婉儀

劉婉儀初入宮封宜春郡夫人尋進才人 宋史本傳

劉夫人建炎間掌內翰文字及寫宸翰字高宗甚眷之 書史會要

楊皇后

寧宗楊皇后會稽人頗涉書史知古今皇子即位尊曰皇太后 宋史本傳

楊皇后書法類寧宗 書史會要

太清宮寧宗時建楊太后書道德經石幢 湖山勝槩

冀王惟吉

冀王惟吉字國祥太祖孫燕王德昭子終感德軍節度使好學善屬文雅善草隸
飛白真宗次為七卷御製序命藏祕閣其子守節以父所書真草千文以獻詔書
褒答仍付史館明道二年封冀王 宋史本傳

越王元傑

越王元傑字明哲初名德和太宗子穎悟好學善屬詞工草隸飛白建樓貯書二
萬卷謚文惠 宋史本傳

楚王元偁

楚王元偁字令聞太宗子謚恭惠有集三卷筆札一卷上為製序藏之祕閣 宋史

周王元儼

周王元儼太宗子少奇穎喜聚書好為文詞頗善二王書工飛白謚恭肅詔以元儼墨跡及所為詩分賜宰臣餘藏祕閣

宋史本傳

信安王允寧

信安王允寧字德之太宗孫商王元份子喜讀唐史通知近朝典故工虞世南楷法真宗賜詩激賞之終武定軍節度使贈信安郡王謚僖簡

宋史本傳

吳王顥

吳王顥字仲明初名仲紜英宗次子謚曰榮天資穎異尤嗜學工飛白好圖書博求善本神宗嘉其志尚每得異書亟馳使以示

宋史本傳

益王頽

益王頽初名仲格英宗第四子謚端獻端重明粹少好學長博通羣書工飛白篆籀

宋史本傳

益王留意翰墨嘗效唐玄度夢英作篆籀十八體又復出眾體之外作八體學者多宗之嘗盡六幅絹作一字筆力神俊非積學不能

宣和書譜

秀王子偁

秀王子偁秦惠康王之後高宗族兄也子伯琮被選入宮是為孝宗累官左朝奉

大夫贈太師中書令封秀王謚安禧孝宗受禪稱皇伯

宋史本傳

王庭珪跋謝仲振所藏秀王帖後云秀王初筮仕時與開封謝仲振為代於淮陽軍幕中厥後或以事至東都必先尋訪敝舊故接慇勤通書必親灑墨英風義氣表表出常情之外使人歎仰

王庭珪盧溪集

景獻太子詢

景獻太子詢燕王後藝祖十一世孫初名與愿寧宗既失克王取與愿養於宮中

開禧元年立為皇太子

宋史本傳

景獻太子書法學高孝兩朝

書史會要

臨川郡王迺裕

臨川郡王迺裕景獻太子子書學高孝兩朝筆法

書史會要

衛國大長公主

衛國大長公主太祖女嫁駙馬都尉李遵勗善筆札喜圖史能為歌詩

宋史本傳

魏國大長公主

魏國大長公主英宗第二女神宗時封蜀國公主下嫁左衛將軍王詵好讀古文

章喜筆札

宋史本傳

越國夫人王氏

越國夫人王氏端獻王頹之妻作篆隸有古法

書史會要

華國夫人韋氏

華國夫人韋氏魏惠獻王愷妻愷以雄武保寧軍節度使判寧國府徙判明州特封韓魏兩國夫人

宋史魏王愷傳

謝翱翠鑠亭避雨詩云仰面無所覩梁間有題字問此何人書婉婉有弱氣云昔

魏王妃學書似李衛乘雲到此山灑墨在空翠自注云亭有魏王妃所題字尚新

王嘗以成德軍節度使鎮明故妃至其處

晞髮集

遼

太祖

太祖姓耶律氏諱億字阿保機字啜里只契丹耶律彌里人

遼史本紀

太祖多用漢人教以隸書之半增損之製契丹字數千以代刻木之約

書史會要

聖宗

聖宗諱隆緒小字文殊奴景宗皇帝長子幼喜書翰十歲能詩

遼史本紀

道宗

道宗諱洪基字涅鄰小字查剌興宗皇帝長子

遼史本紀

道宗喜作字嘗有所書秦越大長公主捨棠陰坊第為大昊天寺碑及額今在燕

京舊城

書史會要

遼大昊天寺碑道宗皇帝書

胡文煥古今碑帖考

天祚帝

天祚皇帝

書史會要
稱末帝

字延寧小字阿果道宗之孫

遼史本紀

馬人望判南京三司使事以年老改南院宣徽使天祚手書宣馬宣徽四字詔之

遼史馬人望傳

末帝亦能書常奉道宗勅寫五子之歌行於時

書史會要

蕭皇后

道宗蕭皇后小字觀音樞密使惠之女王工詩善談論清寧初立為懿德皇后乾統

初追謚宣懿皇后

遼史后妃傳

蕭皇后善書

王鼎焚椒錄

寧王長沒

寧王長沒字和魯重世宗第三子敏給好學通契丹漢字能詩封寧王

遼史皇子表

金

熙宗

熙宗諱亶本諱合剌太祖孫景宣皇帝子廟號閔宗大定二十七年改廟號熙宗

金史本紀

熙宗製女直字與完顏希尹所製字俱行希尹所撰謂之女直大字熙宗所撰謂

之女直小字

金史完顏希尹傳

世宗

世宗諱雍本諱烏祿太祖孫睿宗子也

金史本紀

章宗明昌元年勅外路求世宗御書

金史章宗本紀

世宗御書田不伐望月婆羅門引元好問有詩云承平舊物霓裳譜寶氣輝輝映

千古 遺山集

章宗

章宗諱璟小字麻達葛顯宗嫡子世宗十八年封金源郡王始習本朝語言文字

及漢字經書二十九年即皇帝位改元明昌 金史本紀

金章宗之母乃徽宗某公主之女也故章宗凡嗜好書劄悉效宣和字畫尤為逼

真金國之典章文物惟明昌為盛 癸子雜識

慶壽寺舊有石刻金章宗飛渡橋飛虹橋六大字 春明夢餘錄

章宗喜作字專師宋徽宗瘦金書 書史會要

元妃李氏

章宗元妃李氏師兒大定末以監戶女子入宮是時宮教張建教宮中師兒與諸

宮女皆從之學章宗問建宮教中女子誰可教者建對曰就中音聲清亮者最可

教章宗以建言求得之章宗好文辭妃性慧黠能作字知文義遂大愛幸明昌四

年封為昭容明年進封元妃 金史本傳

瀛王瓌

瀛王瓌本名桓篤顯宗子鄆王棕之同母弟也工詩精於騎射書藝女直大小字章宗即位封瀛王謚文敬金史本傳

楚王宗雄

楚王宗雄本名謀良虎康宗長子好學嗜書嘗從上獵誤中流矢而神色不變恐上知之而罪及射者既拔去其矢託疾歸家臥兩月因學契丹大小字盡通之大定二年追封楚王謚威敏金史本傳

金源郡王希尹

金源郡王希尹本名谷神歡都之子也太祖命希尹撰本國字備制度希尹乃依倣漢人楷字因契丹字制度合本國語製女直字天輔三年八月字書成太祖大悅命頒行之熙宗即位封金源郡王謚貞憲金史本傳

元

仁宗

仁宗諱愛育黎拔力八達成宗次子武宗之弟元史本紀

鄧文原題延祐宸翰詩序云仁宗親灑宸翰昭示龍光忝備臣僚咸增鼓舞鄧文

原巴西集

英宗

英宗諱碩德八剌仁宗嫡子元史本紀

英宗怡情觚翰嘗見宋宣和手勅卷首御題四字又別楮日光照吾民月色清我心十字一琴上至治之音四字皆雄健縱逸而剛毅英武之氣發於筆端書史會要
至治二年命國工繪中書右丞相拜任像勅翰林侍講學士袁桷爲之贊御書唐皮日休詩吾愛房與杜魁然真宰輔黃閣三十年清風億萬古之詩以賜之黃文獻

公集

泰定帝

泰定帝諱也孫鐵木兒世祖嫡曾孫晉王甘麻剌長子英宗叔也元史本紀

泰定間陳楚舟使南番番王遺以金珠舟却之使還上廉其却賂狀御書雪蓬二字賜之以爲舟號勅建御書閣以旌之湖廣通志

文宗

文宗諱國帖木兒武宗次子明宗之弟元史本紀

文宗作字有晉人法度書史會要

奎章閣有靈壁石奇絕名世御書其上曰奎章玄玉道園學古錄

天曆二年文宗建奎章閣命虞集撰記御書刻石識以天曆之寶或加用奎章閣寶應賜者必閣學士持詣榻前四復奏然後予之趙滂東山集

元文宗臨唐太宗永懷二字以賜嚶嚶子山袁中道游居錄

順帝

順帝

陶宗儀作庚申帝

名妥權貼睦邇明宗長子

元史本紀

上潛邸廣西時書方谷二字賜臣毛遇順謹贊曰皇德淵覲泊如太虛海上谷目惟書為娛

余闕考陽集

元統元年皇帝御明仁殿特書閒閒看雲四大字賜玄教大宗師特進上卿吳全

節於是摸刻飾以金碧齋歸而揭之布衣臣李存言曰聖心之安神氣之和益溢

於筆墨之外不但度越前代有非專門白首所能企及謹稽首而為之贊曰皇帝

踐祚尚於文德偉哉天遊先此翰墨惟大宗師實方外臣應時順事豈必隱淪故

山之西有宇明靜異其扁揭昭了修省燕閒特書龍相鳳並煥乎天章誰其能名

微臣何有四海頌聲

李存侯菴集

庚申帝改奎章閣為宣文留心翰墨所書大字嚴正結密

書史會要

太子愛猷識理達臘

太子愛猷識理達臘順帝長子

元史世系表

太子風儀俊邁性資英偉帝於東宮建端本堂置賢師傅以教之知好學喜作字

真楷道媚得虞永興之妙

書史會要

歐陽玄云皇太子習大書端本堂上命度其所書記之於籍或以賜近侍官臣則

錄所賜人姓名而登載之慎重之至也宣文閣授經郎鄭深得侍視席所賜麟鳳

二大字若曰同居為國家之瑞有若麟鳳云爾筆法方嚴意度閑暇天縱不凡

陽玄圭齋集

順德王哈刺哈孫

順德王哈刺哈孫刺納兒氏善騎射工國書雅重儒術至大元年追封順德王

謚忠獻元史本傳

明

太祖

太祖諱元璋字國瑞濠州人也姓朱即皇帝位定天下之號曰大明廟號太祖

喬遠名山藏

義烏黃昶引見於西苑上愛昶有俊才揮豪賦一詩贈之字大如竿

宋濂學士集

休寧朱學士允升預參帷幄嘗請留宸翰以光後圖書樓上親書梅花初月樓以

賜之黃瑜雙槐歲抄

太祖賜臣下御劄甚多如中山王宋學士者勿論方駐蹕徽州時御書一劄賜汪

同子孫寶藏於家牛國楨勇慎小品

太祖神明天縱默契書法御書第一山三大字於鳳陽龍興寺端嚴道勁妙入神

口口 書史會要

萬曆中閣臣申時行於故牘中得高皇帝御筆七十六道裝潢以進

劉鏞五石齋

建文君

建文君諱允炆懿文太子次子高皇帝孫也

名山藏

董倫典教滇南建文在東宮憐其老且遠去賜白金若干鎰及即位召拜禮部侍郎兼翰林學士御書怡老堂扁及縣几玉鳩杖各一以賜之倫上表謝略云桓榮設几杖於太常不聞宸翰之賜晏殊題舊學於神道未見几杖之頒

李贊補藏書

成祖

成祖諱棣太祖第四子也太祖分封諸王以燕元舊京擇可鎮服者居之以封上

建文四年起兵靖難即天子位

名山藏

成祖賜太子少師姚廣孝七十壽詩二首御書用紫粉金龍箋題云八月十三日有為善最樂圖書少師攜至常熟入餘慶書院謁文靖公祠其守僧淨心少同衣鉢謂之曰御書有餘慶二字留此永鎮山門今在院中

列朝詩集

仁宗

仁宗諱高熾太宗嫡長子也與宮僚鄒濟王汝玉徐善述等講說詩書修詞賦之

業日記萬言辭翰並精

名山藏

仁宗萬幾之暇留意翰墨嘗臨蘭亭帖賜沈度意法神韻唐之太宗不能過也

書

史會要

宣宗

宣宗諱瞻琪仁宗嫡長子也讀書一目數行盡表皆舉經史百家莫不涉意翰墨

圖畫隨意所在盡極精妙

名山藏

宣宗賜程南雲草書歌云朕幾務之暇游心載籍及徧觀古人翰墨有契於懷嘗賦草書歌以寓意焉以爾日侍之勞書以賜之草書所自何所授初變楷法爲章奏當時作者最得名崔瑗杜度張伯英三人真跡已罕見後來繼之有羲獻筆端變化妙入神逸態雄姿看勁健風驚電掣浮雲飛蛟龍奮躍猛虎馳漢晉草法千載師張顛藏真亦絕奇一代精藝才數輩遺墨千人萬人愛固知頓挫出腕力亦用飛動生神采采古來篆籀今已譌何況隸草譌愈多吾書豈必論工緻誠懸有言

當默識

宣宗御製集

宣宗書出沈華亭兄弟而能於圓熟之外以適勁發之

藝苑卮言

宣宗時三楊蹇夏諸賢輔政泰交之際常有御製詩歌必親灑宸翰賜之行雲流水飛動筆端真天藻也其上紫泥爲廣運之寶

書史會要

憲宗

憲宗諱見深英宗長子也時御翰墨作爲詩賦以賜大臣諸司章奏手自披閱字畫差錯亦蒙清問臣下益兢業職事莫敢或欺

名山藏

憲宗嘗手題張三丰畫像聖藻仙容兩絕塵表

書史會要

孝宗

孝宗諱祐檉憲宗子也時覽記孝經尚書家禮大明律四種書皆有日課有疑義

即名問法吏儒臣學士張元禎上疏勸經筵講太極西銘諸書索太極圖觀之曰
天生斯人開朕也名山藏

王鏊孝廟御書贊云奮豪落紙思入混茫氣吞顏柳勢壓鍾王淵停嶽峙玉質金
相王鏊震澤集

孝宗酷愛沈度筆蹟日臨百字以自課又令左右內侍書之書史會要

世宗

世宗諱厚熄興獻王長子也武宗無子嗣皇帝即位御製西苑賦使大學士孚敬
尚書時相度共和因手書賦賜三臣彙曰咏和錄名山藏

嘉靖五年刑部尚書趙鑑致仕陛辭上特製詩一首書於龍牋賜之以寵其行雷

禮國朝列御紀

御書視日儀刻石禮部寅清堂前徐學謨世廟識餘錄

昌平九龍池上有粹澤亭亭池兩榜世宗皇帝御書也餐微子集

昌平東山口有小山曰平臺山成祖常駐蹕焉嘉靖十七年上幸平臺山御題聖

蹟二字昌平山水記

神宗

神宗諱翊鈞穆宗子留心翰墨每攜大令鴨頭九帖虞世南臨樂毅論米芾文賦
以自隨勸學詩一章御書賜太監孫隆刻石吳中列朝詩集

上初即位好爲大書內使環立求書者嘗數十紙而外廷臣僚得受賜者惟內閣講臣而已所賜江陵如弼予一人永保天命爾惟麴蘖汝作鹽梅及捧日精忠堂閣之扁字畫遒勁鸞迴鳳舞時聖齡十餘歲矣甲戌四月賜輔臣張公居正宅揆保衡四字呂公調陽同心夾輔四字六卿正已率屬各一講臣六人責難陳善各一六人者丁公士美何公洛文陳公經邦許公國申公時行王公家屏也丙子張公位及慎行補入講幄上顧相君曰新講官二人尚未賜與大字內使已濡墨竢上遂大書二幅賜位及慎行字畫比賜諸公者稍大莊勁勝前時御齡已十五矣

于慎行穀城山房筆塵

萬曆二年三月辛丑頒給御書於會極門責難陳善五幅賜日講官丁士美等敬

畏二幅賜正字官徐繼申等

陳懿典神廟聖學紀要

武清侯別業西北水中起高樓五楹樓上復起一臺俯瞰玉泉諸山御書青天白

日四字於中東西書光華乾坤相對字各長二尺餘

燕都游覽志

神宗皇帝序草韻辨體一書頗備古今翰墨之變又御書金摺扇賜諸宮人則行

體也

五石齋

光宗

光宗諱常洛神宗子

紀元稟考

毛尚忠爲工部主事光宗在東宮識其才手書承恩堂額賜之

嘉善志

莊烈帝

莊烈帝諱由檢光宗第五子熹宗弟初封信王帝王歷年圖

崇禎元年書敬天法祖扁額懸大殿兩楹書人心惟危道心惟微惟精惟一允執

厥中十六字崇禎遺錄

崇禎皇帝草書秀潤娟好自題視民如傷望道未見八字於便殿五石齋

李太后

李太后神宗生母也東安人神宗在位上尊號慈聖宣文明肅皇太后嘗書謙謹

持家四字以貽其父李公公戒飭子孫毋敢傲名山藏坤則記

慈壽寺神宗為慈聖皇太后建也寶藏閣係聖母御筆題燕都遊覽志

李武清園方十里正中挹海棠堂北亭置清雅二字明肅太后手書也帝京景物略

王妃

王妃燕京人能詩工書以才色得幸於武宗侍幸薊州溫泉題詩自書刻石今石

刻尚存列朝詩集

晉恭王桐

晉恭王桐國太原高后生名山藏分滿記

恭王高皇帝第三子嘗命臣僚集鍾王帖中散逸字編成文句併千字文刻石傳

世書史會要

晉莊王鍾鉉

晉莊王鍾鉉憲王之子高皇帝曾孫也博古喜法書嘗以絳帖歲久斷脫采舊所藏古今名人墨蹟摹刻以傳號曰寶賢堂集古法帖

朱謀埠潘獻記

周定王橐

周定王橐高皇后生初封吳國錢塘改封周國開封好學能詞賦工書製元宮詞百章時人以比之三輔黃圖

名山藏

周憲王有燉

周憲王有燉定王子博學善書製樂府新聲大梁人歌舞之

名山藏

憲王集古名跡十卷手自摹臨勒石傳世名曰東書堂法帖

書史會要

憲王書法真行醇婉無一筆失度特少腕力乏風格耳

藝苑卮言

鎮平王有燠

鎮平王有燠周定王子工詩歌書畫

名山藏

湘獻王柏

湘獻王柏高皇帝第十一子洪武十一年受封建國於荊州幼而粹美讀書恒至夜分每出入以縹囊盛書自隨或遇佳山水必徘徊終日刻石紀事詩歌豐腴書法道勁平居被服雅如建文初有讒之者闔宮自焚成祖靖難聞之嗟悼不已謚

曰獻 徐學謨海隅集

蜀定王友垓

蜀定王友垓善草書天順七年以世子嗣

吾學編

蜀惠王申鑿

蜀惠王申鑿懷王弟懷王無子以通江王進封好學能文亦善書

名山藏

蜀成王讓栩

蜀成王讓栩好學善書

名山藏

成王蜀獻王五世孫昭王之子也王好學手不釋卷日觀經史臨法書作詩屬對

皆有程要

列朝詩集

寧獻王權

寧獻王權高皇帝第十六子也始封大寧徙南昌神姿秀朗慧心天悟始能言自

稱奇士好古博學旁通釋老著述甚富兼善書法著書評一卷

書史會要

寧靖王奠培

寧靖王奠培號竹林嬾仙獻王孫臞幹疎髯尤敏於學修文辭造語驚絕書法矯

潔道勁必自初結構不肯襲古每書成盡搜古帖偶一字同棄去更書

書史會要

古簡王見浚

古簡王見浚睿皇帝第五子也英宗復辟改元天順封為古王樂游嶽麓書院訪

古哲賢遺跡命工梓先聖圖及尚書以時誦觀暇則揮藻搦翰披賈太傅新書

海

遼惠王恩鑑

遼惠王恩鑑成化十六年嗣明睿端肅博通羣籍為文雄健詩律精雅尤善大書

海隅集

韓昭王旭樾

韓昭王旭樾少穎異不羣學問忠孝能詩文善書名山藏

文城王彌鉗

文城王彌鉗穎哲儉素善詩賦及書隸廣置園圃亭榭以延賓客士大夫過南陽

皆造門求見名山藏

三城王芝境

三城王芝境唐憲王子也博通羣籍所作行草人稱絕妙書史會要

枝江王致樞

枝江王致樞字仲馨王之六世祖為高皇帝第十四子天性穎異喜讀書工晉唐

楷書海隅集

荆端王厚炗

荆端王厚炗荆憲王玄孫也銳思典籍尤以篆隸著名藩獻記

益端王祐楨

益端王祐擯憲宗子國建昌好書史工楷篆名山藏

安塞王秩炆

安塞王秩炆慶靖王季子高皇帝諸孫也好讀書善文精楷書自稱滄洲野客蘇藩

獻記

保安王

保安王號中和道人嘗臨十七帖刻石行於世書史會要

高唐王 齊東王

高唐王齊東王俱逸其名王世貞云二王深於玉筋及大小篆藝苑卮言

婁妃

婁妃書做詹孟舉楷書千文極佳江省永和門並龍興普賢寺額其筆也後人以

其賢不忍更之書史會要

楊妃

楊妃書法趙文敏頗得筆意但偏鋒耳書史會要

安福郡主

安福郡主寧靖王奠培之長女下嫁宣聖五十八世孫景文天順元年封安福郡

主工草書能詩列朝詩集

佩文齋書畫譜卷第二十一

佩文齋書畫譜 卷二十一 歷代帝王畫

三 同文圖書館印

歷代帝王畫

后妃諸王附

黃帝

黃帝者少典之子姓公孫氏名曰軒轅

史記五帝本紀

黃帝以四嶽皆有佐命之山乃命潛山為衡嶽之副帝乃造山躬寫形象以為五

嶽真形之圖

張君房雲笈七籤

虞

畫嫫

畫嫫說文云舜妹也畫始於嫫故曰畫嫫

金齋畫史會要

世但知封膜作畫不知自舜妹始客曰惜此神技創於婦人余曰嫫嘗脫舜於瞽

象之害則造化在手堪作畫祖

沈巖畫塵

後漢

明帝

明帝諱莊光武第四子也廟曰世祖

後漢書本紀

帝雅好圖畫別立畫室又創立鴻都學以積奇藝詔博洽之士班固賈逵取諸經

史事命上方畫工圖畫謂之畫贊

畫史會要

魏

高貴鄉公

高貴鄉公諱髦字彥士文帝孫東海定王霖子也

張彥遠云善書畫魏志本紀

曹髦之蹟獨高魏代有祖二疏圖盜跖圖黃河流勢新豐放雞犬圖傳於代又有

於陵子黔婁夫妻圖

張彥遠歷代名畫記

吳

吳王趙夫人

吳王趙夫人丞相趙達妹

見書家傳

善書畫巧妙無雙權思得善畫者圖山川地形夫人

乃進所寫江湖九州山岳之勢

王子年拾遺記

晉

明帝

明帝諱紹字道畿元皇帝長子也幼而聰哲為元帝所寵異雅好文辭又習武藝

張彥遠云善書書取善畫佛像廟號肅祖

晉書本紀

彭城王紘上言樂賢堂有先帝手畫佛像經歷寇難而此堂猶存宜勅作頌

晉書蔡

謏傳

明帝有誦詩七月圖毛詩圖二列女二史記列女圖二雜鳥獸五游清池圖息徒

蘭圃圖雜畏鳥圖洛神賦圖游獵圖雜禽獸圖東王公西王母圖洛中貴戚圖穆

王宴瑤池圖漢武回中圖瀛洲神圖人物風土圖傳於代又畫列女禹會塗山殷

湯伐桀圖

歷代名畫記

晉明帝師於王廙同上

明帝畫本師王廙而沈著過之張丑清河書畫舫

梁

元帝

元帝諱繹字世誠小字七符武帝第七子也始封湘東王帝工書善畫自圖宣尼

像為之贊而書之時人謂之三絕南史梁本紀

梁元帝畫職貢圖外國酋渠諸蕃土俗本末仍各圖其來貢者之狀金樓子

帝任荊州刺史日畫蕃客入朝圖本子唐書品云所畫粉本魯國而上三十五國皆寫其使者欲見天下一家要荒種落共來王之職其狀貌各不同武帝極

稱善又有遊春苑白麻紙圖鹿圖師利圖鸚鵡陂澤圖芙蓉醮鼎圖並有題印傳

於後歷代名畫記

梁元帝撰山水松石格王氏畫苑

梁元帝嘗畫聖僧武帝親為贊之畫史會要

豫章王綜

豫章王綜字世謙武帝第三子也尚書僕射徐勉出鎮襄陽王餉以白團扇圖伐

檀之詩南史梁武帝諸子傳

南郡王大連

南郡王大連字仁靜簡文第五子也少俊爽能屬文舉止風流雅有巧思妙達音

樂善丹青大清元年為東揚州刺史大寶元年封南郡王

南史梁簡文帝諸子傳

武烈世子方等

武烈世子方等字寔相元帝長子也少聰敏有俊才善騎射尤長巧思拜都督贈

梁書本傳

侍中中軍將軍揚州刺史先謚忠壯元帝即位改謚武烈

方等尤能寫真坐上賓客隨意點染即成數人問童兒皆識之有龍馬出渥注圖

歷代名畫記

北齊

廣寧王孝珩

廣寧王孝珩文襄第二子也位至大司馬好綴文有技藝嘗於聽事壁自畫一蒼

鷹見者皆以為真又作朝士圖亦當時之妙絕

北史齊文襄諸子傳

隋

煬帝

煬帝姓楊氏諱廣一名英小字阿廢高帝第二子

隋書本紀

煬帝撰古今藝術圖五十卷既畫其形又說其事

歷代名畫記

隋帝於東京觀文殿後起二臺東曰妙楷臺藏自古法書西曰寶蹟臺收自古名

畫同上

唐

高祖

高祖諱淵字叔德姓李氏隴西成紀人 唐書本紀

太宗

太宗諱世民高祖次子也 唐書本紀

中宗

中宗諱顯高宗第七子也 唐書本紀

玄宗

玄宗諱隆基睿宗第三子也 唐書本紀

張彥遠云唐高祖神堯皇帝太宗皇帝中宗皇帝玄宗皇帝並神武聖哲藝亡不

周書畫備能 歷代名畫記

墨竹肇自明皇 張選公墨竹記

昭宗

昭宗諱晔懿宗第七子也 唐書本紀

光化元年昭宗還長安自為韓建畫像 五代史韓建傳

漢王元昌

漢王元昌高祖第七子太宗之弟少博學能書畫武德十年封漢王 歷代名畫記

漢王元昌畫漢賢王圖 唐書藝文志

漢王天人之姿博綜伎藝頗得風韻自然超舉碣館深崇遺迹罕見在上品二閣之上

李嗣真畫後品

漢王元昌善畫馬筆蹟妙絕後無人見畫鷹鵠雉兔見在人間佳手降歎矣

朱景

玄唐朝名畫錄

韓王元嘉

韓王元嘉高祖第十三子貞觀十年封韓王

舊唐書本傳

韓王善畫龍馬虎豹

歷代名畫記

滕王元嬰

滕王元嬰高祖第二十二子貞觀十三年受封終隆州刺史贈司徒

舊唐書本傳

滕王元嬰亦善畫

歷代名畫記

宋歐陽脩云王建宮詞多言唐宮禁中事如內中數日無呼喚傳得滕王蛟蝶圖

滕王元嬰新舊唐書皆不著其所能惟名畫錄略言其善畫亦不云其工蛟蝶

也又畫斷云工於蛟蝶及見於建詩爾或聞今人家亦有得其圖者

歐陽脩六一詩

話

滕王元嬰善丹青喜作蜂蝶朱景玄嘗見其粉本謂能巧之外曲盡精理不敢第

其品格

宣和畫譜

江都王緒

風文齋書畫譜

卷三

歷代帝王畫

三九

同文圖書館印

江都王緒霍王元軌之子太宗猶子也多才藝善書畫鞍馬擅名垂拱中官至金州刺史

歷代名畫記

江都王善畫雀蟬驢子應制明皇浴府十九瑞應圖實造神極妙

唐朝名畫錄

杜甫觀曹將軍畫馬圖詩云國初已來畫鞍馬神妙獨數江都王

杜工部集

嗣滕王湛然

嗣滕王湛然茂宗子天寶十一載封滕王十五載從幸蜀除左金吾將軍

舊唐書本

傳

湛然善花鳥蜂蝶貞元四年任殿中監曾以畫進

董道廣川畫跋

嗣滕王善畫蜂蟬燕雀驢子水牛曾見一本能巧之外曲盡情理

唐朝名畫錄

寧王憲

寧王憲本名成器睿宗長子也拜左衛大將軍睿宗將建儲貳以成器嫡長而玄宗有討平韋氏之功意久未定成器涕泣固讓言甚切至乃許之開元四年避昭

成皇后尊號改名憲封為寧王

舊唐書本傳

寧王善畫馬開元興慶池南華萼樓下壁上有六馬袞塵圖內明皇最眷愛玉面花驄謂無纖悉不備風鬃霧鬣信偉如也後壁唯有五馬其一者失去信知神妙

將變化俱也

柳宗元龍城錄

五代

南唐後主李煜

南唐後主李煜字重光初名從嘉景第六子嗣立五代史南唐世家

後主善屬文工書畫馬令南唐書

後主才識清贍書畫兼精嘗觀所畫林木飛鳥遠過常流高出意外金陵王相家

有雜禽花木李忠武家有竹枝圖皆稀世之玩郭若虛圖畫見聞志

李煜政事之暇寓意丹青頗到妙處自稱鍾峰隱居又曰鍾隱後人畫清爽不凡

別為一格又能為墨竹畫風虎雲龍圖有霸者之略宣和畫譜

蜀後主后金氏

後主后金氏名飛山成都人也年十六姿容絕世兼擅繪事乾德初選入掖庭後

冊立為皇后十國春秋

吳越王錢鏐

吳越王錢鏐字具美杭州臨安人梁太祖即位封鏐吳越王五代史吳越世家

吳越王錢鏐畫墨竹圖繪寶鑑

宋

仁宗

仁宗諱禎初名受益英宗第六子宋史本紀

仁宗皇帝天資穎悟聖藝神奇遇興援豪超逾庶品伏聞齊國獻穆大長公主喪

明之始親畫龍樹菩薩命待詔鏤板印施舊有家藏御畫御馬一匹其毛赭白玉

銜勒上有宸翰題云慶曆四年七月十四日御畫兼有押字印寶兼曾見張文懿

家有小猿一軸仍聞禁中有天王菩薩像

圖畫見開志

張丞相孫德淑收仁宗畫黑猿上有小御寶畫奇甚

宋帝畫史

徽宗

徽宗諱佶神宗第十一子

宋史本紀

國朝諸王弟多嗜富貴獨祐陵在藩時嗜玩早不凡所事者獨筆研丹青圖史射御而已當紹聖元符間年始十六七於是盛名聖譽布在人間識者已疑其當辟矣初與王晉卿說宗室大年令穰往來二人者皆喜作文辭妙圖畫而大年又善黃庭堅故祐陵作庭堅書體後自成一法也時亦就端邸內知客吳元瑜弄丹青元瑜者畫學崔白書學薛稷而青出於藍者也後人不知往往謂祐陵畫本崔白書學薛稷凡斯失其源派矣

蔡條鐵圍山叢譚

徽宗皇帝天縱將聖藝極於神即位未幾因公宰奉清閒之宴顧謂之曰朕萬幾餘暇別無他好惟好畫耳故祕府之藏充物填溢百倍先朝又取古今名人所畫上自曹弗興下至黃居寀集為一百帙列十四門總一千五百件名之曰宣和睿覽集蓋前世圖籍未有如是之盛者也於是聖鑒周悉筆墨天成妙體衆形兼備六法獨於翎毛尤為注意多以生漆點睛隱然豆許高出紙素幾欲活動衆史莫

能也政和初嘗寫仙禽之形凡二十題曰筠莊縱鶴圖或戲上林或飲太液翔鳳躍龍之形警露舞風之態引吭唳天以極其思刷羽清泉以致其潔並立而不爭獨行而不倚閑暇之格清迥之姿寓於縑素之上各極其妙而莫有同者焉已而又製奇峰散綺圖意匠天成工奪造化妙外之趣咫尺千里其晴巒疊秀則閣風羣玉也明霞紆綵則天漢銀潢也飛觀倚空則仙人樓居也至於祥光瑞氣浮動於縹緲空明之間使覽之者欲跨汗漫登蓬瀛飄飄焉嶢嶢焉若投六合而隘九州也五年三月上已賜宰臣以下燕於瓊林侍從皆預酒半上遣中使持大盃勸飲且以龍翔池鸚鵡圖并題序宣示羣臣凡預燕者皆起立環觀無不仰聖文觀奎畫贊歎乎天下之至神至精也其後以太平日久諸福之物可致之祥湊無虛日史不絕書動物則赤烏白鵲天鹿文禽之屬擾於禁籞植物則檜芝珠蓮金柑駢竹爪花來禽之類連理並蒂不可勝紀乃取其尤異者凡十五種寫之丹青亦目曰宣和睿覽冊復有素馨末利天竺娑羅種種異產究其方域窮其性類賦之於詠歌載之於圖繪續爲第二冊已而玉芝競秀於宮闈甘露宵零於紫篁陽烏丹兔鸚鵡雪鷹越裳之雉玉質皎潔鸞鷲之雛金色煥爛六目七星巢蓮之龜盤螭翥鳳萬歲之石並幹雙葉連理之蕉亦十五物作冊第三又凡所得純白禽獸一一寫形作冊第四增加不已至累千冊各命輔臣題跋其後寔亦冠絕古今之美也

鄧椿畫繼

徽宗尤善墨花石作墨竹緊細不分濃淡一色焦墨叢密處微露白道自成一家
畫後押字用天水及宣和政和小璽或用瓢印蟲魚篆文

畫史會要

高宗

高宗諱構字德基徽宗第九子

宋史本紀

高宗書畫皆妙作人物山水竹石自有天成之趣上用乾封印晚居北內多用太上皇帝之寶德壽殿寶御府圖書

圖繪寶鑑

劉貴妃

劉貴妃臨安人紹興十八年入宮專掌御前文字工書畫畫上用奉華堂印

陳善

杭州志

劉婉儀

劉婉儀初入宮封宜春郡夫人尋進才人

宋史本傳

劉夫人善畫人物得古人筆法高宗甚愛之

畫史會要

周王元儼

周王元儼太宗子謚恭肅

宋史本傳

恭肅王名重戚藩精於像物嘗觀所畫鶴竹雪毛丹頂傳警露之姿翠葉霜筠盡合煙之態亦嘗自朽十六羅漢令蜀人尹質描染稜稜風骨非常格所能及

圖畫

見聞志

景王宗漢

景王宗漢畫繼六字獻甫英宗幼弟累拜保寧軍留後鄴國公東陽安康郡王元符初以彰

德軍節度使檢校司空嗣濮王大觀三年贈太師追封景王謚孝簡善畫嘗作八

鴈圖人稱其工宋史本傳

嗣濮王宗漢作蘆鴈有佳思米元章題詩曰偃蹇汀眠鴈蕭梢風觸蘆京塵方滿

眼速為喚花奴又曰野趣分弱水風花剪鑑湖塵中不作惡為有鄴公圖元章許

子甚嚴詩意如此則可知其含豪運思矣畫繼

景王宗漢無聲色之好惟以丹青自娛氣韻瀟灑畫史會要

益王頽

益王頽初名仲格英宗第四子謚端獻宋史本傳

端獻王頽戲作小筆花竹蔬果與夫難狀之景粲然目前以寫墨竹其茂梢勁節

吟風瀉露拂雲篩月之態無不曲盡其妙復善蝦魚蒲藻古木江蘆有滄洲水雲

之趣非畫工所得以窺其藩籬也宣和畫譜

鄆王楷

鄆王楷徽宗第三子初名煥始封魏國公進高密郡王歷十一節度使政和八年

廷策進士唱名第一超拜太傅改王鄆宋史本傳

鄆王稟資秀拔為學精到性極嗜畫頗多儲積凡得珍圖即日上進而御府所賜

亦不為少復皆絕品故王府畫目至數千計又復時作小筆花鳥便面克肖聖藝
今祕閣畫目有水墨筍竹及墨竹蒲竹等圖 畫繼

鄆王善畫花鳥極為精到尤善墨花但用墨麤欠生動耳 圖繪寶鑑

漢王士遵

漢王士遵高宗之叔善人物山水著色景頗似李昭道紹興間一時婦女服飾及
琵琶院面所作多以小景山水寔始於士遵其筆趨俗 圖繪寶鑑

景獻太子詢

景獻太子詢燕王後藝祖十一世孫初名與愿開禧元年立為皇太子 宋史本傳

景獻太子善畫竹石 圖繪寶鑑

臨川郡王迺裕

臨川郡王迺裕景獻太子子尤工墨竹喜作挂屏長竿枝梢旁出如簷底乍見濃
墨獵獵頗具掀舞之態題詩其上用善雅堂印 圖繪寶鑑

越國夫人王氏

越國夫人王氏端獻王婦王審琦後以淡墨寫竹整整斜斜曲盡其態見者疑其

影落縑素 圖繪寶鑑

遼

聖宗

聖宗諱隆緒小字文殊奴十歲能詩既長精射法曉音律好繪畫

遼史本紀

興宗

興宗諱宗真字夷不董小字只骨聖宗長子

遼史本紀

郭若虛曰皇朝與大遼馳禮繼好息民曠古未有慶曆中其主

號興宗

以五幅縑畫千

角鹿圖為獻旁題年月日御畫上命張圖於太清樓下召近臣縱觀次日又勅中
闈宣命婦觀之畢藏於天章閣

圖畫見閣志

金

海陵王

海陵王亮字元功本諱迪古遼王宗幹第二子在位十二年大定初降封為海陵

郡王諡曰煬

金史本紀

海陵煬王以才藝自矜好寫方竹亦有奇致嘗遣使入宋藏畫工於眾中潛寫西

湖圖歸國而繪已象於吳山最高處因有立馬吳山第一峰之句

繪事備考

顯宗

顯宗諱允恭本諱胡土瓦世宗第二子章宗父世宗即位封楚王置官屬賜名允

迪專心學問與諸儒臣講議於承華殿燕閑觀書乙夜忘倦

金史世紀補

顯宗畫獐鹿人馬學李伯時墨竹自成一家雖未臻神妙亦不涉流俗章宗每題

其籤

圖繪寶鑑

元

文宗

文宗諱圍帖睦爾武宗次子明宗弟也

元史本傳

文宗居金陵時命房大年畫京都萬歲山大年辭以未嘗至其地上索紙為布畫位置令按藁圖上格法適整雖專工所莫及

陶宗儀輟耕錄

小薛太子

小薛太子泰定皇帝次三子

元史諸王表

鄧文原題小薛王畫鹿云禮樂河間雅好儒曾陪校獵奉金輿畫長靈囿觀遊後政暇嘉賓燕集餘蛺蝶圖工人去久騶虞詩好化行初宗藩翰墨留珍賞憑仗相如賦子虛

鄧文原巴西集

明

太祖

太祖諱元璋字國瑞濠州人也姓朱廟號太祖

何喬遠名山藏

太祖嘗命畫史周玄素繪天下江山於殿壁玄素對曰臣未嘗徧歷九州惟陛下賜草規模臣謹依潤之上即操筆倏成大勢玄素對曰陛下山河已定安敢復動

上悅

畫史會要

宣宗

宣宗諱瞻琪仁宗嫡長子也翰墨圖畫隨意所在盡極精妙

名山藏

宣宗御製山水圖歌序曰長春真人劉淵然志存閒佚辭歸南京朕重其去也因

取孔子仁智壽樂之旨援筆作山水圖賜之

列朝詩集

貝泰為祭酒宣廟召見便殿賜御製招隱歌及翎毛二十四幅

列卿紀

夏原吉誕辰上親繪壽星圖又親繪秋香梅竹二圖文禽非熊春霽魚游春水圖

賜焉

王鏊震澤集

宣廟御筆有山水有人物有花果翎毛有草蟲上有年月及賜臣名寶用不一有

廣運之寶武英殿寶雍熙世人等圖書

圖繪寶鑑續纂

宣廟畫蟾吸樹上蟬御書賜楊溥

袁中道游居錄

宣宗萬幾之暇游戲翰墨點染寫生遂與宣和爭勝

列朝詩集

憲宗

憲宗諱見深英宗長子也

名山藏

憲宗嘗寫張三丰像神采飛動超然塵表

畫史會要

孝宗

孝宗諱祐楹憲宗子也

名山藏

孝宗萬幾之暇游筆自娛點刷精妍妙得形似

畫史會要

憲廟孝廟御筆皆神像上識以年月及寶

圖繪寶鑑續纂

周定王橚

周定王橚國開封以國土遠曠庶草蕃廡辨察其可佐饑饉者種植四百餘種繪而疏之名救荒本草名山藏

周憲王有燉

周憲王有燉定王子好文辭兼工書畫朱謀埠藩獻記

憲王畫瓶盆中牡丹最有神態畫史會要

鎮平王有燠

鎮平王有燠周定王第八子工吟咏兼通畫有菊譜圖畫史會要

寧靖王奠培

寧靖王奠培號竹林嬾仙寧獻王孫寫山水若草草不經意自然神妙畫史會要

唐成王彌錦

唐成王彌錦莊王之子也篤行博學工詩繪弘治二年嗣爵藩獻記

岷靖王彥汰

岷靖王彥汰弘治十七年封天資俊逸經史諸書一覽即知大指尤善為詩工繪

事徐氏海隅集

三城王芝境

三城王芝境唐憲王子也博通羣書尤嗜繪事法書名畫未嘗一日去手藩獻記

富順王厚焜

富順王厚焜荆和王第二子也潛心問學博貫羣藝嗜詩兼精繪事一日拂素圖蜀葵移暴日中蜂蝶叢集花上拂之輒來其神妙動物如此藩獻記

樂安端簡王拱懼

樂安端簡王拱懼靖莊王子也以文雅才辨著稱兼精繪事藩獻記

枝江王致樞

枝江王致樞字仲馨詩畫靡不精詣海隅集

浦陽王常漿

浦陽王常漿善畫名山藏

湘王

湘王善畫嬰兒畫史會要

遼王

遼王善畫人物畫史會要

衡陽王

衡陽王善畫鷹鷂畫史會要

永寧王

永寧王善畫牡丹畫史會要

建安王

建安王號中仙善寫翎毛 畫史會要

鍾陵王

鍾陵王善畫人物 畫史會要

潞王

潞王善畫竹石 圖繪寶鑑續纂

魯王

魯王善畫蘭竹 圖繪寶鑑續纂

肅王

肅王善花鳥蘭石 圖繪寶鑑續纂

佩文齋書畫譜卷第二十一

3
C. T. LOO & CO.
41 EAST 57th STREET
NEW YORK, N. Y.

NO. 513

HGT. _____

LENG. _____

